



დიპლომატი



სასწავლო პროექტი/ სპეც.გამოცემა 15 ივლისი, 2017

საქართველოს საპატრიარქოს წმიდა ანდრია პირველწოდებულის
სახელმწიფო უნივერსიტეტი

კომპიუტერულ მეცნიერებათა და სამართლის ფაკულტეტი

საერთაშორისო ურთიერთობებისა და
რეგიონალური პროცესების
მიმართულებით.

საერთაშორისო ურთიერთობებისა და რეგიონალური პროცესების მიმართულება

2016-2017 სასწავლო წელი სასწავლო წლის განმავლობაში ჩატარებული ღონისძიებები

დაიწყო ახალი სასწავლო წელი. ქართული უნივერსიტეტი გილოცავთ ,მვირფასო სტუდენტებო,მშობლებო და პროფესორ-მასწავლებლებო,გისურვებთ მხნეობასა და წარმატებულ მომავალს! განათლება უძვირფასესი განძია და დაუღალავად გვემუშაოს ამ განძის მოსაპოვებლად!ქართულმა უნივერსიტეტმა სიხარულით აღნიშანა ახალი 2016-2017 სასწავლო წლის დაწყება.უნივერსიტეტის რექტორმა,პროფესორმა სერგო ვარდოსანიძემ სტუდენტებს და კოლეგებს,განსაკუთრებითკი,ჩვენს პირველკურსელებს დიდი სიყვარულით მიულოცა ეს დღესასწაული. ამ დღეს უნივერსიტეტს სტუმრობდა საქართველოს განათლებისა და მეცნიერების მინისტრი, ბატონი ალექსანდრე ჯეჯელავა. ქართული უნივერსიტეტიკიდევ ერთხელ გილოცავთ ახალ სასწავლო წელს!



ქართულ უნივერსიტეტში ახალი სასწავლო წელი დაიწყო! 19 სექტემბერი, 2016



2016 წლის 19 სექტემბერს საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტში ახალი სასწავლო წელი დაიწყო.

ქართული უნივერსიტეტის ეზოში გაიმართა საზეიმო შეხვედრა, რომელიც გახსნა და ახალი სასწავლო წლის დაწყება სტუდენტებს, პროფესორ-მასწავლებლებს და ადმინისტრაციის წარმომადგენლებს მიულოცა უნივერსიტეტის რექტორმა, პროფესორმა სერგო ვარდოსანიძემ, სტუდენტებს სიტყვით მიმართეს: საქართველოს მეცნიერებათა ეროვნული აკადემიის ვიცე-პრეზიდენტმა, ქართული უნივერსიტეტის პროფესორმა როინ მეტრეველმა, თბილისის საკრებულოს თავმჯდომარემ, ქართული უნივერსიტეტის პროფესორმა გიორგი ალიბეგაშვილმა, აკადემიკოსმა შალვა ამონაშვილმა, ეკონომიკისა და ბიზნესის მართვის ფაკულტეტის დეკანმა, პროფესორმა ვახტანგ სართანიამ, სოციალურ მეცნიერებათა ფაკულტეტის დეკანმა, პროფესორმა დიმიტრი ნადირაშვილმა, ინფორმატიკის, მათემატიკის და საბუნებისმეტყველო მეცნიერებათა ფაკულტეტის დეკანმა, პროფესორმა ივანე წერეთელმა, ჰუმანიტარულ მეცნიერებათა და სამართლის ფაკულტეტის დეკანის მოადგილემ, პროფესორმა ლევან ჯიქიამ, უნივერსიტეტის ადმინისტრაციის ხელმძღვანელმა თამაზ ვაჩაძემ, სტუდენტებმა: გიორგი კახაძემ, გიორგი ჩუბინიძემ, ვაჟა ხეცურიანმა, ნინო დვალიძემ...

ქართული უნივერსიტეტის სტუდენტებსა და პროფესორ-მასწავლებლებს ახალი სასწავლო წლის დაწყება დაუვიწყარი კონცერტით მიულოცა თბილისის მერიის საკონცერტო ორკესტრმა "Big Band"-მა. უნივერსიტეტის რექტორმა, პროფესორმა სერგო ვარდოსანიძემ მადლობა მოახსენა მათ და უნივერსიტეტის სახელით ანსაზღვის წევრებს სიმბოლური საჩუქრები გადასცა.

მოგვიანებით საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს ეწვია და ახალი სასწავლო წლის დაწყება მიულოცა სტუდენტებსა და პროფესორ-მასწავლებლებს საქართველოს განათლებისა და მეცნიერების მინისტრმა, ბატონმა ალექსანდრე ჯეჯელავამ. ბატონმა მინისტრმა რექტორთან და კანცლერთან ერთად დაათვალიერა უნივერსიტეტის ინფრასტრუქტურა, კაბინეტ-ლაბორატორიები, ესაუბრა ფსიქოლოგიის და სოციალურ მეცნიერებათა; ინფორმატიკის, მათემატიკის და საბუნებისმეტყველო მეცნიერებათა; ეკონომიკისა და ბიზნესის მართვის; ჰუმანიტარულ მეცნიერებათა და სამართლის ფაკულტეტების დეკანებსა და სტუდენტებს, შემდეგ რექტორის კაბინეტში შეხვდა უნივერსიტეტის აკადემიური საბჭოს წევრებს, სადაც გაიმართა საქმიანი მსჯელობა განათლების აქტუალურ პრობლემებზე.

დასასრულს უნივერსიტეტის რექტორმა, პროფესორმა სერგო ვარდოსანიძემ მადლობა მოახსენა ბატონ მინისტრს უნივერსიტეტში მომზადებისათვის.



შეხვედრა პირველკურსელებთან

19 სექტემბერი, 2016



19 სექტემბერს, ახალი სასწავლო წლის დაწყებასთან დაკავშირებით გამართულ საუნივერსიტეტო ღონისძიების შემდეგ ქართული უნივერსიტეტის საერთაშორისო ურთიერთობებისა და რეგიონალური პროცესების საგანმანათლებლო პროგრამის ხელმძღვანელმა, პროფესორმა ავთანდილ კიკნაძემ პირველკურსელებთან საინფორმაციო შეხვედრა გამართა. სტუდენტებს დეტალურად გააცნეს საგანმანათლებლო პროგრამა, მისი სპეციფიკა, უცხო ენების არჩევის პრინციპები. სტუდენტებს ჩინური და იაპონური ენების და ამ ქვეყნების შესახებ ინფორმაცია მიაწოდეს პედაგოგებმა ნინო ტეტუნაშვილმა და ლიზი მარკოიშვილმა. ასევე, სტუდენტებმა, რომლებიც უკანასკნელი ორი წლის განმავლობაში სხვადასხვა პროგრამებით იმყოფებოდნენ ჩინეთის სახალხო რესპუბლიკის პრესტიჟულ უნივერსიტეტებში. შეხვედრა კითხვა-პასუხის რეჟიმში მიმდინარეობდა და ძალზე საინტერესოდ ჩატარდა.

ჩინეთის სახალხო რესპუბლიკის უმაღლესი საგანმანათლებლო სკოლის დელეგაცია ქართულ უნივერსიტეტში

საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს ეწვივნენ ჩინეთის სახალხო რესპუბლიკის უმაღლესი საგანმანათლებლო სკოლის დელეგაცია: აზიის მხარის დირექტორი, ქალბატონი შაო სიუზო, კონფუცის ინსტიტუტის სათაო ოფისის დირექტორის მოადგილე, ბატონი სია ძიენჰუი, კონფუცის ინსტიტუტის აღმასრულებელი ხელმძღვანელი, ქალბატონი ლი ჩანი, ლანჯოუს უნივერსიტეტის პრორექტორი ფან ბაოთიენი, ლანჯოუს უნივერსიტეტის საერთაშორისო სკოლის დირექტორის მოადგილე, ქალბატონი თაო ჰონგი, კონფუცის ინსტიტუტის საქართველოს განყოფილების ხელმძღვანელი ბატონი ჩი რუშანი.

სტუმრებმა დაათვალიერეს ჩინური კულტურის შემსწავლელი კაბინეტი, დაესწრნენ უნივერსიტეტის საერთაშორისო ურთიერთობის და რეგიონმცოდნეობის სპეციალობის სტუდენტთა მიერ მომზადებულ კონცერტს და ჩინური ენის გაკვეთილს.

უნივერსიტეტის რექტორმა, პროფესორმა სერგო ვარდოსანიძემ სტუმრებს სამახსოვრო საჩუქრები გადასცა და იმედი გამოთქვა, მომავალში კიდევ უფრო გაიზრდება იმ სტუდენტების რიცხვი, რომელნიც გაცვლითი პროგრამის ფარგლებში გაემგზავრებიან ჩინეთის სახალხო რესპუბლიკაში ჩინური ენის შესასწავლად.



საერთაშორისო ურთიერთობებისა და რეგიონალური პროცესების მიმართულების სტუდენტების კიდევ ერთი წარმატება



საქართველოში ჩინეთის სახალხო რესპუბლიკის საელჩოსა და თავისუფალი უნივერსიტეტის კონფუცის ინსტიტუტის ორგანიზებით, თავისუფალი უნივერსიტეტის საუნივერსიტეტო კამპუსში გაიმართა საერთაშორისო სტუდენტური კონკურსის "ჩინური ენის ხიდის" შესარჩევი ტური საქართველოში.

კონკურსი მიზნად ისახავს საქართველოში ჩინური ენის შესწავლის ხელშეწყობასა და საქართველო-ჩინეთს შორის მეგობრული ურთიერთობის გაღრმავებას. კონკურსს ესწრებოდნენ საქართველოში ჩინეთის სახალხო რესპუბლიკის საელჩოს წარმომადგენლები. საქართველოს სხვა უნივერსიტეტების სტუდენტებთან ერთად კონკურსში მონაწილეობდნენ ქართული უნივერსიტეტის საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტები ქეთი ყარანაშვილი და ნინი ასანიძე, რომლებიც ჩინურ ენას ეუფლებიან ჩვენს უნივერსიტეტში. კონკურსი ორ ეტაპად ჩატარდა და ძალზე საინტერესო იყო. სტუდენტები ერთმანეთს ეჯიბრებოდნენ ჩინური ენის ცოდნასა და თავიანთ შემოქმედებაში. კონკურსის ჟიურიმ, რომელიც საქართველოში ჩინეთის საელჩოს თანამშრომლებით და ჩინური ენის სპეციალისტებით იყო დაკომპლექტებული ცხარე კამათის შედეგად გამოავლინა კონკურსის გამარჯვებულები. როგორც შარშან, ასევე წელსაც მეორე საპრიზო ადგილი დაიკავა ქეთევან ყარანაშვილმა, რომელმაც მობილურ ტელეფონთან ერთად მოიპოვა სპეციალური პრიზი - 10 დღიანი უფასო საგზური ჩინეთის სახალხო რესპუბლიკაში. მესამე საპრიზო ადგილი დაიკავა ნინი ასანიძემ, რაც პირველი კურსის სტუდენტისთვის საკმაოდ მაღალი შედეგია.

პარალელურად ჩატარდა საქართველოში კონფუცის ინსტიტუტის მიერ ორგანიზებული ესეების სტუდენტური კონკურსი. სტუდენტებმა წარმოადგინეს ესეები ჩინეთის შესახებ. აღნიშნულ კონკურსში მონაწილეობდნენ ქართული უნივერსიტეტის საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტები. თათა ქუტიძემ მესამე საპრიზო ადგილი დაიკავა და ფასიან საჩუქართან ერთად შესაბამისი ხარისხის სერთიფიკატი მოიპოვა. მარიამ ჟამუტაშვილმა და ნინი ასანიძემ წამახალისებელი პრიზები და სერთიფიკატები მოიპოვეს. თამარ გიგაშვილი, ნინო კირკიტაძე, ნანა ზარანდია და მარიამ ხინთიბიძე მონაწილეობდნენ კულტურულ პროგრამაში და ასრულებდნენ ჩინურ ცეკვას.

გულითადად ვულოცავთ ამ დიდ წარმატებას ქართული უნივერსიტეტის სტუდენტებს და მათ პედაგოგებს სალომე სადუნიშვილს, თამარ მუჯირს და ჩინელ მოხალისე პედაგოგს ლიან ქუნ ქუნს. ეს უკვე ქართული უნივერსიტეტის სტუდენტების მეორე დიდი გამარჯვებაა, რომლებიც ორი წელია რაც ჩინურ ენას ეუფლებიან.

შეგახსენებთ, რომ რამდენიმე თვის წინ საქართველოში, ჩინეთის სახალხო რესპუბლიკის საელჩოს მიერ ჩატარებულ კონკურსში, ჩვენი უნივერსიტეტის საერთაშორისო ურთიერთობისა და რეგიონალური პროცესების საგანმანათლებლო პროგრამის სტუდენტმა სოფო სირაძემ გრანტი მოიპოვა და მიიღო ერთ წლიანი სტიპენდია. 2016-2017 სასწავლო წელს, სექტემბრიდან ის სწავლას აგრძელებს ჩინეთში ლანჯოუს პრესტიჟულ უნივერსიტეტში.

"ჩინური ენის ხიდის" კონკურსის გამარჯვებული ქეთევან ყარანაშვილი: „ჩემი ჩინური ოცნება“ სწორედ ამ თემის მოყოლა მიწევდა ჩინური ენის ხიდის შესარჩევ ტურზე და დღეს უბედნიერესი ადამიანი ვარ, რომ ეს ოცნება მეორედ ამიხდა.

ჩინური ენის ხიდი ტარდება ყოველ წელიწადს, რაც სტუდენტებს შანსს აძლევს პირველ და მეორე ადგილზე გასულები გაემგზავრონ ჩინეთში. სწორედ ამ კონკურსში გამარჯვების შემდეგ შარშან ზაფხულში ვიმყოფებოდი ჩინეთში, რამაც წარუშლელი შთაბეჭდილება მოახდინა ჩემზე. როდესაც ჩინური ენის სწავლა დავიწყე ჩინეთში გამგზავრება ჩემი ერთ-ერთ ოცნება გახდა და მიხარია, რომ ოცნება სულ მალე რეალობად იქცა.

დღეს უბედნიერესი ადამიანი ვარ, რადგანაც სწორედ ამ კონკურსში ავიღე მეორე საპრიზო ადგილი და ჩინეთში გავემგზავრე 10 დღით. ვთვლი, რომ ასე მოკლე დროში ეს ჩვენი ყველას დიდი ერთობლივი წარმატებაა. ყველას უღრმეს მადლობას ვუხდით, განსაკუთრებით კი ჩვენს ლექტორებს სალომე სადუნიშვილს და ლიან ქუნ ქუნს, რადგანაც მათ მართლა ყველაფერი გააკეთეს ჩემი წარმატებისათვის. ემოციებიც უდიდესი იყო ვფიქრობ მისი სიტყვებით გადმოცემა შეუძლებელია. დღევანდელი დღე ერთ-ერთი ყველაზე გამორჩეული დღე იყო ჩემს ცხოვრებაში. მიხარია, რომ ვსწავლობ ჩინურს. ყველა ჩვენი უნივერსიტეტის სტუდენტს, რომელიც ასევე სწავლობს ჩინურ ენას ვუსურვებ დიდ წარმატებას.





ჩვენი მიმართულების სტუდენტების შეხვედრა ნატოს გენერალურ მდივან იენს სტოლტენბერგთან


8 სექტემბერი



8 სექტემბერს დაიწყო ჩრდილო ატლანტიკური საბჭოს რიგით მეოთხე ვიზიტი საქართველოში. ეს ვიზიტი ალიანსის საქართველოსადმი პოლიტიკური მხარდაჭერის და პრაქტიკული თანამშრომლობის დინამიკური განვითარების მნიშვნელოვანი გზავნილი გახლავთ. საქართველოს მოქალაქეების უმრავლესობა მხარს უჭერს საქართველოს ნატოში ინტეგრაციას და ალიანსში გაწევრიანების კურსს. ნატო-ს გენერალური მდივანი იენს სტოლტენბერგი საქართველოს პარლამენტის ეროვნულ ბიბლიოთეკაში შეხვდა საქართველოს სხვადასხვა უნივერსიტეტის სტუდენტებს, მათ შორის იყვნენ საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების მიმართულების სტუდენტები: თათული ხუნტუა, ლევან თაღიაშვილი, გიორგი გაბრიჩიძე და ნინო ბაბუციძე. შეხვედრა გაიმართა დიალოგის რეჟიმში. ჩვენმა სტუდენტებმა დაუსვეს შეკითხვები ბატონ გენერალურ მდივანს და აღნიშნეს, რომ გენერალური მდივნის გამოსვლა იყო ძალიან საინტერესო და ინფორმაციული. ბატონმა გენერალურმა მდივანმა კიდევ ერთხელ დაადასტურა ნატოს მხარდაჭერა საქართველოს ტერიტორიული მთლიანობისადმი და ასევე

მხარი დაუჭირა საქართველოს სუვერენიტეტს. ნატოსა და საქართველოს აქვთ განსაკუთრებული ურთიერთსასარგებლო ურთიერთობა და მჭიდრო პარტნიორობა, რომელიც სულ უფრო მტკიცე ხდება. იმედია ეს მტკიცე პარტნიორობა მალე ახალ ფაზაში გადავა და საქართველო გახდება ალიანსის წევრი, რუსეთს არ აქვს ვეტოს უფლება და საქართველოს ორგანიზაციაში გაწევრიანება ნატოს 28 წევრისა და საქართველოს ნებაზეა დამოკიდებული, აღნიშნა ნატოს გენერალურმა მდივანმა.

შეხვედრა კონფუციის ინსტიტუტის წარმომადგენლებთან 21 სექტემბერი, 2016



2016 წლის 21 სექტემბერს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის რექტორი, პროფესორი სერგო ვარდოსანიძე შეხვდა საქართველოში კონფუციის ინსტიტუტის განყოფილების ხელმძღვანელს პროფესორ ჩი რუმანს და ჩინური ენის პრაქტიკული კურსის ახალგაზრდა მასწავლებლებს, რომელნიც ჩინურ ენას ასწავლიან ქართული უნივერსიტეტის საერთაშორისო ურთიერთობების და რეგიონალური პროცესების მიმართულების სტუდენტებს.

რექტორმა მადლობა მოახსენა პროფესორ ჩე რუმანს, რომლის ხელშეწყობით ქართული უნივერსიტეტის რამდენიმე სტუდენტი გაცვლითი პროგრამის ფარგლებში სწავლობენ ლანჯოუს და პეკინის უნივერსიტეტებში.

გაიმართა მსჯელობა მომავალი თანამშრომლობის საკითხებზე.

შეხვედრა გერმანიის აკადემიური გაცვლის სამსახურის (DAAD)

ხელმძღვანელთან

28 სექტემბერი, 2017

28 სექტემბერს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის წმიდა მეფე დავით აღმაშენებლის სახელობის საკონფერენციო დარბაზში გერმანიის აკადემიური გაცვლის სამსახურის (DAAD)-ის ხელმძღვანელმა, დოქტორმა მარტინ პრაქსენტალერმა, ქართული უნივერსიტეტის სტუდენტების, დოქტორანტებისა და პროფესორ-მასწავლებლებისათვის გერმანიაში სწავლისა და კვლევის, დაფინანსების მიღებისა და DAAD-ის სასტიპენდიო პროგრამების შესახებ საინფორმაციო სახის შეხვედრა გამართა.

შეხვედრა გახსნა, დოქტორი მარტინ პრაქსენტალერი დამსწრეთ წარუდგინა და მადლობა მოახსება მოზრძანებისთვის ქართული უნივერსიტეტის რექტორმა, პროფესორმა სერგო ვარდოსანიძემ.

დოქტორმა მარტინ პრაქსენტალერმა ქართული უნივერსიტეტის სტუდენტებს, დოქტორანტებს და მეცნიერებს პრეზენტაციის სახით მიაწოდა ინფორმაცია გერმანიაში სწავლისა და კვლევის შესაძლებლობების შესახებ, დაწვრილებით აუხსნა მათ თუ როგორ უნდა ჩაერთონ გერმანიაში დაფინანსების მიღებისა და DAAD-ის სასტიპენდიო პროგრამებში.

პრეზენტაციაზე წარმოდგენილი იყო 2017-2018 წლის DAAD-ს შემდეგი სასტიპენდიო პროგრამები: სამაგისტრო პროგრამა ყველა სპეციალობისთვის - ინგლისურ ან გერმანულ ენაზე (მე-4 კურსელი ბაკალავრებისთვის); საზაფხულო ენის კურსი (მე-2, 3 კურსელი ბაკალავრებისთვის, ასევე 1-ლი კურსელი მაგისტრებისთვის); სამაგისტრო სტიპენდია ეკონომისტებისთვის; კვლევითი და სადოქტორო პროგრამები (დოქტორანტებისთვის); სამეცნიერო სტაჟირება უნივერსიტეტის პროფესორისთვის (ხანგრძლივობა 3 თვე).

ინგლისურენოვანი შეხვედრა ინტერაქტივის რეჟიმში წარიმართა, დაინტერესებული სტუდენტები აქტიურად ჩაერთვნენ დისკუსიაში. დაურიგდათ საინფორმაციო სახის ბუკლეტები.

აღნიშნული პროგრამით ქართული უნივერსიტეტის ინფორმატიკის, მათემატიკის და საბუნებისმეტყველო მეცნიერებათა სკოლის წარმატებული კურსდამთავრებული გიორგი ვარდოსანიძე სამაგისტრო კურსს ბონის უნივერსიტეტში გადის.



შეხვედრა ამიერკავკასიაში ნატოს სამეკავშირეო ოფისის ხელმძღვანელ, ბატონ უილიამ ლაჰიუსთან

12 ოქტომბერი, 2017





12 ოქტომბერს საქართველოს საპატრიარქოს წმიდა ანდრია პირვეწოდებულის სახელობის ქართულ უნივერსიტეტში ჰუმანიტარულ მეცნიერებათა და სამართლის სკოლის ფაკულტეტი შეხვდა ამიერკავკასიაში ნატოს სამეკავშირეო ოფისის ხელმძღვანელს ბატონ უილიამ ლაჰიუს. შეხვედრა გაიმართა განვითარებისა და დემოკრატიის ცენტრისა და ნატოსა და ევროკავშირის შესახებ საინფორმაციო ცენტრის მხარდაჭერით.

შეხვედრა შესავალი სიტყვით გახსნა ქართული უნივერსიტეტის რექტორმა პროფესორმა სერგო ვარდოსანიძემ. მან ხაზი გაუსვა ნატოს მხარდაჭერას საქართველოსადმი, რაც განსაკუთრებით გამოიხატა **2008** წლის რუსეთ-საქართველოს აგვისტოს ომის დროს. აღნიშნულ პერიოდში საქართველოს სახელმწიფოებრივ სუვერენიტეტს სერიოზული საფრთხე დაემუქრა, იყო საშიშროება საოკუპაციო ჯარს თბილისიც დაეკავებინა. ამ კრიტიკულ სიტუაციაში დასავლეთის სახელმწიფოებისა და ნატოს მხარდაჭერით ქართული სახელმწიფო გადარჩა.

ბატონმა უილიამ ლაჰიუმ ისაუბრა ნატოს შექმნის ისტორიაზე, ორგანიზაციაში შემავალი ქვეყნების ვალდებულებებსა და მათ როლზე ნატოს ფუნქციონირებაში, გადაწყვეტილების მიღების მექანიზმებზე. ბატონმა ლაჰიუმ მიმოიხილა ნატოს, როგორც ორგანიზაციის მნიშვნელობა, მისი მუშაობის სპეციფიკა, ისაუბრა ორგანიზაციაში გაწევრიანებისათვის აუცილებელ ნაბიჯებზე. საუბრის მთავარი თემა იყო საქართველოსა და ნატოს შორის ორმხრივი ურთიერთობების მნიშვნელობის წარმოჩენა როგორც ნატოს წევრი ქვეყნებისთვის, ასევე საქართველოსთვის. უილიამ ლაჰიუმ ასევე პასუხი გასცა პროფესორ მასწავლებლებისა სტუდენტების შეკითხვებს.

დასასრულს რექტორმა სერგო ვარდოსანიძემ მადლობა გადაუხადა ნატოს საინფორმაციო ცენტრის წარმომადგენელს ამიერკავკასიაში სტუმრობისა და საინტერესო საუბრისთვის, იმედი გამოთქვა რომ საქართველო მალე გახდება ორგანიზაციის წევრი სახელმწიფო და სტუმარს უნივერსიტეტის სახელით საჩუქარი გადასცა. თავის მხრივ უილიამ ლაჰიუმაც მადლობა მოახსენა რექტორსა და დამსწრე საზოგადოებას მოწვევისთვის და კითხვების ავტორებს საჩუქრად გადასცა მაისურები და ქუდები ნატოს ლოგოთი.




მეორე ამხანაგური მატჩი ფეხბურთში 15 ოქტომბერი, 2016



15 ოქტომბერს, სპორტის აკადემიის საფეხბურთო ბაზაზე ჰუმანიტარულ მეცნიერებათა და სამართლის სკოლის პროფესორ-მასწავლებელთა და საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტებს შორის ჩატარდა რიგით მეორე ამხანაგური მატჩი ფეხბურთში. თამაში უხვგოლიანი და სანახაობრივი გამოდგა. შეხვედრა დამთავრდა პროფესორ-მასწავლებელთა გუნდის გამარჯვებით ანგარიშით 6:5. ორივე გუნდს საკმაოდ ბევრი გულშემატკივარი ჰყავდა, ისინი აქტიურად ელომაგობნენ მოთამაშეებს.

**საერთაშორისო ურთიერთობებისა და რეგიონალური პროცესების
მიმართულების მეორე კურსის სტუდენტი ქართული უნივერსიტეტის
თვითმმართველობის პრეზიდენტი!**

ქართული უნივერსიტეტის ცხოვრებაში ერთ-ერთ მნიშვნელოვან როლს სტუდენტური თვითმმართველობა ასრულებს. 2016-2017 სასწავლო წლის დაწყებასთან ერთად ქართულ უნივერსიტეტში გაიმართა სტუდენტური თვითმმართველობის არჩევნები. 112 ხმით გაიმარჯვა და პრეზიდენტი გახდა საერთაშორისო ურთიერთობებისა და რეგიონალური პროცესების მიმართულების მეორე კურსის სტუდენტი თათა ქუტიძე. ვულოცავთ მას და ვუსურვებთ გაემართლებინოს უნივერსიტეტის სტუდენტთა ნდობა. მიმდინარე სასწავლო წელს მისი თაოსნობით მრავალი საინტერესო ღონისძიება ჩატარდა, მათ შორის სტუდენტური საღამოები. უნივერსიტეტში. 2017 წლის სექტემბერიდან კი თათა ერთი წლით ჩინეთში მიემგზავრება სამთავრობო გრანტით ნანძინის პრესტიჟულ უნივერსიტეტში ჩინური ენის შემსწავლელ კურსებზე. წარმატებას ვუსურვებთ თათას მომავალ საქმიანობაში.



„როგორ გავხადოთ საქართველო მდიდარი ქვეყანა“

2016 წლის 30 ნოემბერს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის წმიდა ილია მართლის სახელობის საკონფერენციო დარბაზში ჰუმანიტარულ მეცნიერებათა და სამართლის სკოლის საერთაშორისო ურთიერთობების მეორე კურსის სტუდენტმა ლევან თადიაშვილმა წაიკითხა საჯარო ლექცია თემაზე: „როგორ გავხადოთ საქართველო მდიდარი ქვეყანა“.

ლექციის დასასრულს გაიმართა დისკუსია. შეხვედრას ქართული უნივერსიტეტის რექტორი და სტუდენტები დაესწრნენ.



ინტელექტუალური თამაში „რა? სად? როდის?“

7 დეკემბერი, 2016



2016 წლის 7 დეკემბერს, წმიდა ანდრია პირველწოდებულის სახელობის ქართულ უნივერსიტეტში, სტუდენტური თვითმმართველობის ორგანიზებით ჩატარდა ინტელექტუალური თამაში „რა? სად? როდის?“.

შეჯიბრში მონაწილეობდა 15 გუნდი. თამაში საკმაოდ საინტერესოდ და შთამბეჭდავად წარიმართა. ღირსეულ და დაძაბულ ბრძოლაში გამოვლინდა სამი გამარჯვებული გუნდი: III ადგილი მოიპოვა გუნდმა „ფიდელ კასტრო“ (კაპიტანი - ალექსანდრე ბარკალაია), II ადგილი

დაიკავა გუნდმა „რეფრეში“ (კაპიტანი - თორნიკე კურდღელაშვილი), ხოლო გამარჯვებული გუნდი გახდა „შარშან“ (კაპიტანი - შალვა მაქაცარია) . გამარჯვებულ გუნდებს გადაეცათ სერთიფიკატები, ხოლო პირველ ადგილზე გასული გუნდი დაჯილდოვდა სპეციალური საჩუქრებით.

ასევე აღსანიშნავია ისიც, რომ სწორედ დღეს ჩვენს უნივერსიტეტში ჩამოყალიბდა ინტელექტუალური კლუბი, რომლის თავმჯდომარე ავტომატურად გახდა პირველ ადგილზე გასული გუნდის კაპიტანი შალვა მაქაცარია.

საერთაშორისო ურთიერთობებისა და რეგიონალური პროცესების მიმართულების სტუდენტების კიდევ ერთი წარმატება



ცნობილი გახდა ჩინური ენის საერთაშორისო სასერთიფიკატო გამოცდების (HSKK) შედეგები. ჩვენი უნივერსიტეტის საერთაშორისო ურთიერთობებისა და რეგიონალური პროცესების პროგრამის მიმართულების მესამე კურსის სტუდენტებმა წარმატებით ჩააბარეს აღნიშნული გამოცდები:

ქეთევან ყარანაშვილმა - 84

მარიამ სალუქვაძე - 76

ბიძინა ქებაძე - 72

ბესიკ ბუჩუკური - 72

სტუდენტებმა გამოცდა ჩააბარეს თბილისის „თავისუფალი უნივერსიტეტის“ „კონფუცის ინსტიტუტში“. ტესტის მაქსიმალური ქულა იყო 100, ხოლო გამსვლელი ქულა 60.

საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტი ულოცავს ჩვენს სტუდენტებს ამ წარმატებას და უსურვებს III დონის HSK გამოცდის წარმატებით ჩაბარებას, რის შემდეგაც სტუდენტები გაემგზავრებიან ჩინეთში სასწავლებლად.

სტუმრად საქართველოში იაპონიის ელჩის რეზიდენციაში

18 იანვარი, 2017

საქართველოში იაპონიის საგანგებო და სრულუფლებიანი ელჩის, მისი აღმატებულება, ბატონი ტოშიო კაიტანის მიწვევით ელჩის რეზიდენციაში ვახშამზე იმყოფებოდნენ ქართული უნივერსიტეტის რექტორი, პროფესორი, სერგო ვარდოსანიძე, დეკანის მოადგილე, ბატონი ლევან ჯიქია და საერთაშორისო ურთიერთობებისა და რეგიონალური პროცესების მიმართულების პროფესორები. მეგობრულ ვახშამზე საუბარი შეეხო საქართველო-იაპონიის ურთიერთობებს, დაგეგმილ მომავალ პროექტებს, იაპონური ენისა და კულტურის პოპულარიზაციას საქართველოში, ქართულ უნივერსიტეტში იაპონური ენის სწავლების საკითხებს და სხვა.



შეხვედრა იაპონიის საელჩოს ატაშესთან და ტოკიოს უნივერსიტეტის პროფესორთან

31 იანვარი, 2017

2017 წლის 31 იანვარს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ჰუმანიტარულ მეცნიერებათა და სამართლის სკოლის საერთაშორისო ურთიერთობათა და რეგიონალური პროცესების მიმართულების ასევე ქართველოლოგიის სპეციალობის პროფესორ-მასწავლებელთა და სტუდენტთა ინიციატივით წმიდა ილია მართლის სახელობის სხდომათა დარბაზში გაიმართა საინტერესო შეხვედრა ტოკიოს უნივერსიტეტის პროფესორ ჰიროტაკე მატეასთან და იაპონიის საელჩოს ატაშე პროფესორ იასუჰირო კოჯიმასთან.

საპატრიარქოს ქართულ უნივერსიტეტში საერთაშორისო რეგიონალური პროცესების სპეციალობაზე უკვე ორი წელია წარმატებით მიმდინარეობს იაპონური ენის შესწავლა.

სტუმრებს მიესალმნენ: უნივერსიტეტის რექტორი, პროფესორი სერგო ვარდოსანიძე, პროფესორები: ტარიელ ფუტყარაძე, ავთანდილ კიკნაძე, დიმიტრი ნადირაშვილი, იაპონური კლუბის პრეზიდენტი, სტუდენტი ლევან თაღიაშვილი.

სტუმრებმა ისაუბრეს ქართულ-იაპონური ურთიერთობის და ქართული უნივერსიტეტის სტუდენტების იაპონიის უნივერსიტეტებში გაცვლითი პროგრამით წასვლის შესაძლებლობებზე.

2017 წლის საგაზაფხულო სემესტრიდან პროფესორი იასუჰირო კოჯიმა საერთაშორისო ურთიერთობათა და რეგიონალური პროცესების სპეციალობის სტუდენტებისათვის კვირაში ერთხელ ჩაატარებს იაპონური ენის გაკვეთილებს.

შეხვედრის დასასრულს პროფესორმა სერგო ვარდოსანიძემ სტუმრებს სამახსოვრო საჩუქრები გადასცა.



საერთაშორისო ურთიერთობებისა და რეგიონალური პროცესების მიმართულების სტუდენტები ბაზალეთის სასწავლო ცენტრში




თბილისის თავისუფალი უნივერსიტეტის კონფუცის ინსტიტუტის მიწვევით, საქართველოს საპატრიარქოს წმიდა ანდრია პრველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების მიმართულების სტუდენტები ელენე ციციშვილი, მარიამ ანთიძე, მარიამ სალუქვაძე, ქეთევან ყარანაშვილი, ბესო ბუჩუკური და ბიძინა ქებაძე 3 თებერვლიდან 7 თებერვლის ჩათვლით ვესწრებოდით ბაზალეთის ზამთრის სკოლაში ჩინური ენისა და კულტურის გაკვეთილებს, რომელიც განკუთვნილი იყო იმ პირებისთვის, რომელთაც სურთ გაიღრმავონ ცოდნა ჩინურ ენაში. ამ 5 დღის განმავლობაში, თავისუფალი უნივერსიტეტის კონფუცის ინსტიტუტის ჩინელი და ქართველი პედაგოგების დახმარებით გავიარეთ ჩინური ენის დაჩქარებული პრაქტიკული კურსი. გარდა ამისა, საშუალება გვქონდა გავცნობოდით ჩინურ კულტურასა და ხელოვნებას: თაიძის, ჩინური კვანძების დამზადებას, კალიგრაფიას, ჩინურ მხატვრობას (კუო ხუა) და ჩინურ კინემატოგრაფიას. მაღლობა გვინდა გადავუხადოთ აღნიშნული ღონისძიების ორგანიზატორებს რამდენიმე დაუვიწყარი დღის ჩუქებისათვის.


საერთაშორისო ურთიერთობებისა და რეგიონალური პროცესების მიმართულების სტუდენტები

საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტის წარმატება!

ქართული უნივერსიტეტის ჰუმანიტარულ მეცნიერებათა და სამართლის სკოლის საერთაშორისო ურთიერთობებისა და რეგიონალური პროცესების საგანმანათლებლო პროგრამის I კურსის სტუდენტი შოთა კავლელაშვილი გახდა საქართველოს ჩემპიონი ძალოვან სამჭიდში, სამ დისციპლინაში. ვულოცავთ მას ამ დიდ გამარჯვებას და ვუსურვებთ წარმატებას.



**საერთაშორისო ურთიერთობებისა და რეგიონალური პროცესების მიმართულების
სტუდენტების წარმატება!
14 იანვარი, 2017**



2017 წლის 14 იანვარს, საქართველოში არსებული კონფუცის ინსტიტუტის ხელმძღვანელობით, ჩატარდა ჩინური ენის ე. წ. HSK-ის გამოცდები. გამოცდის მაქსიმალური ქულა 300 შეადგენს. HSK-ის გამოცდაში მონაწილეობა მივიღეთ საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ჰუმანიტარულ მეცნიერებათა და სამართლის სკოლის საერთაშორისო ურთიერთობებისა და რეგიონალური პროცესების მიმართულების მეორე და მესამე კურსის სტუდენტებმა: ნინო ასანიძემ, ქეთევან ყარანაშვილმა დამარიამ სალუქვაძემ. სამივე სტუდენტმა წარმატებით ჩავაბარეთ გამოცდა და მაღალი შეფასებებიც დავიმსახურეთ. მინდა სტუდენტების სახელით მადლობა გადავუხადო ჩვენს ჩინელ ლექტორებსა და ჩინელ მოხალისეებს, რომლებიც მაღალ დონეზე გვასწავლიან ჩინურ ენას ქართულ უნივერსიტეტში. ეს არის კიდევ ერთი წინ გადადგმული ნაბიჯი, რომელიც გვაძლევს საშუალებას მოვიპოვოთ სასწავლო სტიპენდია ჩინეთის უნივერსიტეტებში.

ნინო ასანიძე,

ქართული უნივერსიტეტის ჩინეთის კლუბის პრეზიდენტის არჩევნები

3 თებერვალს ჩატარდა ქართული უნივერსიტეტის ჩინეთის კლუბის პრეზიდენტის არჩევნები. არჩევნებში მონაწილეობა მიიღო 3 სტუდენტმა: ნინო ასანიძემ, თათა ქუტიძემ და ელენე ციციშვილმა. ხმის მიცემა ელექტრონულ რეჟიმში ჩატარდა და ყველაზე მეტი 11 ხმა მიიღო ნინო ასანიძემ, თათამ - 10, ელენემ - 5.

ვულოცავთ ნინის ამ გამარჯვებას და წარმატებებს ვუსურვებთ მომავალ საქმიანობაში.

ჩვენი პროფესორი იაპონიაში



2017 წლის 20-28 იანვარს ქ. ტოკიოში, ანდრია პირველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების საგანმანათლებლო პროგრამის მოწვეულმა ლექტორმა, არჩილ კალანდიამ მონაწილეობა მიიღო იაპონიის საგარეო საქმეთა სამინისტროს მიერ ორგანიზებულ დიპლომატიურ სემინარში, სადაც ასევე მონაწილეობდნენ აღმოსავლეთ ევროპისა და ცენტრალური აზიის ქვეყნების წარმომადგენლები. აღნიშნული ღონისძიების ფარგლებში, იაპონიის საგარეო საქმეთა სამინისტროში არჩილ კალანდიამ წარადგინა პრეზენტაცია “საქართველოს ეკონომიკური განვითარების გამოწვევების შესახებ”.

პარლამენტარი ქართული უნივერსიტეტის ახალი მოწვეული პროფესორი!



საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტებს მეორე სემესტრიდან საერთაშორისო ბიზნესის

საფუძვლებში ლექციებს წაუკითხავს ახალი მოწვეული პროფესორი ირაკლი მეზურნიშვილი.

ბატონი ირაკლი საქართველოს IX მოწვევის პარლამენტის წევრი, მაჟორიტარი დეპუტატია (18-11-2016), საარჩევნო ბლოკი: „ქართული ოცნება - დემოკრატიული საქართველო“- დან. ასევე, დიასპორისა და კავკასიის საკითხთა კომიტეტის თავმჯდომარის მოადგილე და საგარეო ურთიერთობათა კომიტეტის წევრია. დაამთავრა მოსკოვის საერთაშორისო ურთიერთობათა სახელმწიფო ინსტიტუტი, საერთაშორისო სამართლის სპეციალობით.

მოსკოვში ასპირანტურის დამთავრების შემდეგ წარმატებით დაიცვა დისერტაცია და მიენიჭა ეკონომიკის მეცნიერებათა დოქტორის სამეცნიერო ხარისხი. მუშაობდა საერთაშორისო ფინანსების დეპარტამენტის უფროს მეცნიერ მუშაკად და თბილისის სახელმწიფო უნივერსიტეტის მოწვეულ პროფესორად.

დოკუმენტური ფილმის „მეოთხედი საუკუნე“ ჩვენება

1 მარტი, 2017

2017 წლის 1 მარტს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის წმიდა ილია მართლის სახელობის სხდომათა დარბაზში უნივერსიტეტის პროფესორ-მასწავლებლებისა და სტუდენტებისთვის გაიმართა ქართული უნივერსიტეტის ჰუმანიტარულ მეცნიერებათა და სამართლის სკოლის საერთაშორისო ურთიერთობებისა და რეგიონალური პროცესების მიმართულების მოწვეული პროფესორის, დეპუტატ ირაკლი მეზურნიშვილის დოკუმენტური ფილმის „მეოთხედი საუკუნე“ ჩვენება.

თბილისის მე-17 საერთაშორისო კინოფესტივალზე წარდგენილი ფილმი XX საუკუნის 90-იანი წლებიდან დღემდე საქართველო-ამერიკის 25 წლიანი მეგობრობის და ქართულ-ამერიკული ურთიერთობების შესახებ მოგვითხრობს.

კინო ჩვენების დასასრულს წარმოდგენილი ფილმის შესახებ ისაუბრეს და მის რეჟისორს მადლობა მოახსენეს ქართული უნივერსიტეტის რექტორმა, პროფესორმა სერგო ვარდოსანიძემ, პროფესორებმა ავთანდილ კიკნაძემ და რამაზ ლომინაძემ.





ახალი ფოტო ალბომში: ევროპა საქართველოში-დიუმას ნაკვალევზე

4 აპრილი, 2017

2017 წლის 4 აპრილს ქართული უნივერსიტეტის წმიდა ილია მართლის სახელობის საკონფერენციო დარბაზში გაიმართა დოკუმენტური ფილმის "ევროპა საქართველოში-დიუმას ნაკვალევზე" ჩვენება. ფილმის შესახებ დამსწრე საზოგადოებას ინფორმაცია მიაწოდა ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატის ევროკავშირის დახმარების კოორდინაციის დეპარტმენტის უფროსმა დავით ბუჟიაშვილმა.

ფილმი გადაღებულია ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატის მხარდაჭერით და მიზნად ისახავს მოსახლეობისთვის ევროკავშირის დახმარების იმ პროგრამების შესახებ ინფორმაციის მიწოდებას, რომლებიც საფუძველს ქმნიან საქართველოს ეკონომიკური განვითარებისა და ევროპულ სტანდარტებთან დაახლოების მიმართულებით.

შეხვედრა „ჰუალინგ ჯგუფის“ გენერალურ დირექტორთან! 27 მარტი, 2017

2017 წლის 27 მარტს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის წმიდა მეფე დავით აღმაშენებლის სახელობის საკონფერენციო დარბაზში გაიმართა შეხვედრა საქართველოში უმსხვილესი ჩინური კომპანიის „ჰუალინგ ჯგუფის“ გენერალურ დირექტორთან, ბატონ ვანგ შენგსინთან.

სტუმრებს ჩინურენოვანი სიმღერით შეეგებნენ ქართული უნივერსიტეტის სტუდენტები. „ჰუალინგ ჯგუფის“ გენერალური დირექტორი დამსწრეთ წარუდგინა და დიდი მადლობა მოახსენა სტუმრობისათვის ქართული უნივერსიტეტის რექტორმა, პროფესორმა სერგო ვარდოსანიძემ. სტუმარს მიესალმა და ეკონომიკისა და ბიზნესის მართვის სკოლის მიღწევების შესახებ ისაუბრა ფაკულტეტის დეკანმა, პროფესორმა ვახტანგ სართანიაშვილმა. ჩინური ენის მცოდნე სტუდენტებმა ნინი ასანიძემ და მარიამ ანთაძემ ჩინურად მიმართეს სტუმრებს.

ბატონ ვანგ შენგსინმა საინტერესოდ მიიჩნია ის პროექტები, რომლებიც ქართულ უნივერსიტეტში ხორციელდება ჩინური ენისა და კულტურის პოპულარიზაციისთვის და სრული მზადყოფნა გამოთქვა მხარდაჭერისა და პარტნიორული ურთიერთობების განვითარებისთვის.

დამსწრე საზოგადოებას საქართველოში ყველაზე დიდი ჩინური, საინვესტიციო კომპანიის არსებულ და სამომავლო პროექტებზე პრეზენტაცია წარუდგინა ქუთაისში თავისუფალი ინდუსტრიული ზონის აღმასრულებელმა დირექტორმა, ბატონმა სოსო ნიბლაძემ.

სტუდენტებმა ყურადღებით მოუსმინეს სტუმრებს და ბევრი ახალი ინფორმაცია მიიღეს „ჰუალინგ ჯგუფის“ კომპანიის საქმიანობის და მომავალი გეგმების შესახებ.





ტელეხიდი ლანჯოუს უნივერსიტეტში ჩინეთის მთავრობის სტიპენდიით
გაგზავნილ სტუდენტთან!

28 მარტი, 2017



2017 წლის 28 მარტს შედგა ტელეხიდი ქართული უნივერსიტეტის საერთაშორისო ურთიერთობების მიმართულების სტუდენტებსა და ამავე მიმართულების სტუდენტ სოფო სირაძეს შორის. სოფო სირაძე სამთავრობო გრანტის მოპოვების შემდეგ ჩინური ენის

ერთწლიან კურსებზე გაემგზავრა ჩინეთში, ლანჯოუს უნივერსიტეტში. ამ უნივერსიტეტთან საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს გაფორმებული აქვს ურთიერთთანამშრომლობის მემორანდუმი.

ტელეხიდის მსვლელობისას სოფო სირაძემ ისაუბრა, თუ როგორი სწავლების სისტემაა ჩინეთში. სწავლების სისტემა ჩინეთში განსხვავებულია. დღეში 6 საათი ეთმობა ჩინური ენის სწავლას. სტუდენტური ცხოვრება უფორ მეტად დისციპლინირებულია, ასე რომ ყველას უწევს შეეგუოს რეჟიმის მიხედვით ცხოვრებას. აღნიშნა ჩინეთის სწრაფი ეკონომიკური წინსვლის შესახებ, ასევე ამ ქვეყნის პოლიტიკურ და ეკონომიკურ როლზე თანამედროვე მსოფლიოში. ყოველივე აქედან გამომდინარე ხაზი გაუსვა ჩინური ენის ცოდნის აუცილებლობასა და იმ პერსპექტივებს, რაც ამ ენის სწავლას შეუძლია მოუტანოს ადამიანს.

ქართული უნივერსიტეტის სტუდენტთან ერთად ტელეხიდში მონაწილეობდნენ იტალიელი და კორეელი სტუდენტები. ასევე კიდევ ერთი ქართველი სტუდენტი ნათია მარსაგიშვილი, რომელიც ლანჯოუს უნივერსიტეტში სწავლობს ბიზნეს ადმინისტრირების სამაგისტრო პროგრამაზე.

უნდა აღინიშნოს, რომ ტელეხიდს ესწრებოდნენ საერთაშორისო ურთიერთობებისა და რეგიონალური პროცესების მიმართულების პირველი კურსის სტუდენტებიც. მათთვის ეს შეხვედრა განსაკუთრებით საინტერესო იყო, ვინაიდან წელს დაიწყო ჩინური ენის სწავლა. მათ გამოხატეს ინტერესი ჩინეთში სწავლის გაგრძელებასთან დაკავშირებით.

სტუდენტებმა თამარ გიგაშვილმა, მარიამ ანთაძემ და ბიძინა ქებაძემ შეასრულეს სიმღერა ჩინურად, ხოლო ქართულ ენაზე შეასრულეს სიმღერა „სულიკო“.

„ჩინეთის ზღვის კრიზისი - სამხედრო, პოლიტიკური და ეკონომიკური ფაქტორები“
30 მარტი, 2017





2017 წლის 30 მარტს, საქართველოს წმიდა ანდრია პირველწოდებულის სახელობის ქართულ უნივერსიტეტში, წმიდა ილია მართლის სახელობის საკონფერენციო დარბაზში გაიმართა საჯარო ლექცია თემაზე: „ჩინეთის ზღვის კრიზისი - სამხედრო, პოლიტიკური და ეკონომიკური ფაქტორები“. მომხსენებლები იყვნენ კონფლიქტოლოგი, კონფლიქტების მართვის ინსტიტუტის დამფუძნებელი თამარ თოლორდავა და საერთაშორისო ურთიერთობების მეორე კურსის სტუდენტი ლევან თადიაშვილი. მომხსენებლებმა ხაზი გაუსვეს რეგიონში არსებული პროცესების მნიშვნელობას, განიხილეს მისი პოლიტიკური, სამხედრო და ეკონომიკური მხარეები და აუდიტორიას დეტალურად გააცნეს ჩინეთისა და ამერიკის როლი მიმდინარე მოვლენებში. პრეზენტაციის ბოლოს გაიმართა დისკუსია, რომელშიც აქტიურ სტუდენტებთან ერთად ჩაერთო ქართული უნივერსიტეტის რექტორი, პროფესორი სერგო ვარდოსანიძე. საერთაშორისო ურთიერთობების ფაკულტეტი განაგრძნობს აქტიური პოლიტიკური მოვლენების გარშემო მუშაობას და მომავალშიც გეგმავს მსგავს ღონისძიებებს.

თბილისის ჩაის ფესტივალი 23 აპრილი, 2017



23 აპრილს მთაწმინდის პარკისა და საქართველოს ჩაის მწარმოებელთა ასოციაციის ორგანიზებით, გაიმართა თბილისის ჩაის ფესტივალი.

ფესტივალის ფარგლებში წამყვანი ქართული და საერთაშორისო ჩაის მწარმოებელი კომპანიები წარმოადგენდნენ სხვადასხვა ქვეყნის კუთხეებს, რომლებსაც გააჩნიათ ჩაის მირთმევის უდიდესი კულტურა: ჩინეთი, იაპონია, ინდოეთი, დიდი ბრიტანეთი, შრი ლანკა. ასევე წარმოდგენილი იყო ქართული თაფლის სხვადასხვა სახეობა.

ფესტივალის პარალელურად მიმდინარეობდა კონცერტი, სადაც მონაწილეობა მიიღეს ქართული უნივერსიტეტის, საერთაშორისო ურთიერთობებისა და რეგიონალური პროცესების სტუდენტებმა: თამარ გიგაშვილმა, მარიამ ანთაძემ და ბიძინა ქებაძემ, რომლებმაც შეასრულეს სიმღერები ქართულ და ჩინურ ენაზე.

ლონისძიებმა იყო საინტერესო, რადგან ყველას მიეცა საშუალება გაცნობოდა ჩაის ნაირსახეობებს და მათ შორის დამზადების წესებს ჩინური ტრადიციის მიხედვით.

ქართული უნივერსიტეტის სტუდენტი
თამარ გიგაშვილი




სასიხარულო ინფორმაცია

საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ჰუმანიტარულ მეცნიერებათა და სამართლის სკოლის საერთაშორისო ურთიერთობების და რეგიონალური პროცესების პროგრამის სტუდენტებმა: ნინო ასანიძემ და თათა ქუტიძემ მოიპოვეს ჩინეთის სახალხო რესპუბლიკის მთავრობის სასწავლო გრანტები.

2017 წლის სექტემბრიდან, ერთი წლის ვადით, მათ სწავლა სრულად დაუფინანსდებათ ჩინეთის პრესტიჟულ უნივერსიტეტებში.

ვულოცავთ მათ ამ წარმატებას!

**საერთაშორისო ურთიერთობებისა და რეგიონალური პროცესების
საგანმანათლებლო პროგრამის სტუდენტები Zhejiang gongshang-ის და ნანძინის
უნივერსიტეტებში!**



საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ჰუმანიტარულ მეცნიერებათა და სამართლის სკოლის (ფაკულტეტის) საერთაშორისო ურთიერთობებისა და რეგიონალური პროცესების მიმართულების ორმა სტუდენტმა თათა ქუტიძემ და ნინო ასანიძემ მოიპოვა ჩინეთის სახალხო რესპუბლიკის მთავრობის სასწავლო გრანტები, რაც საშუალებას მისცემთ მათ ერთი წლის განმავლობაში უფასოდ ისწავლონ ჩინეთში **Zhejiang gongshang-ის** და **ნანძინის უნივერსიტეტებში**. ქართული უნივერსიტეტი ულოცავს მათ ამ მნიშვნელოვან წარმატებას და გთავაზობთ ინტერვიუს ერთ-ერთ გამარჯვებულთან ნინო ასანიძესთან.

- მოგესალმებით ქალბატონო ნინო, გილოცავთ მოპოვებულ წარმატებას. როგორც ვიცით, ჰუმანიტარულ მეცნიერებათა და სამართლის ფაკულტეტის საერთაშორისო

ურთიერთობებისა და რეგიონალური პროცესების მიმართულებაზე ისწავლება რამდენიმე უცხო ენა, მათ შორის ჩინური ენა. გთხოვთ, ორიოდე სიტყვით გვითხრათ, რა სირთულეებს წააწყდით ჩინური ენის სწავლების პროცესში და რამდენად ადვილად ეუფლებოდით მას?

- მოგესალმებით და მადლობას გიხდით მოლოცვისთვის. დავიწყებ იქედან, რომ ჩინური ენის სწავლა დავიწყე შარშან, მაშინ როცა საერთოდ ვერ წარმომედგინა, რომ მე მექნებოდა საშუალება ერთი წელი მესწავლა სრულიად უფასოდ ჩინეთის ერთ-ერთ პრესტიჟულ უნივერსიტეტში. სირთულე ყოველთვის ყველაფერს ახლავს, მოგესხენებათ ჩინურ ენას რთული გრამატიკა, ტონები და იეროგლიფები აქვს...ერთი შეხედვით მართლაც რთულია, იმდენად რთულია, რომ ბევრმა მისი გაგრძელება კი ვერ შეძლო და ენა შეიცვალა, ჩემთვის ყველაზე დიდი სირთულე ტონებია, რომელსაც ალბათ ჩინეთში სწავლისას დაგძლევ.

- თქვენს მიერ მოპოვებული წარმატების გარდა რა წარმატება აქვთ ქართული უნივერსიტეტის სტუდენტებს ჩინური ენის სწავლების მიმართულებით?

- ჩემი აზრით უკვე წარმატებულები ვართ, რადგან ვსწავლობთ ჩინურ ენას, ჩვენ მართლაც გაგვიმართლა, რომ საშუალება გვაქვს უნივერსიტეტში საუკეთესო პროფესორებმა გვასწავლონ ჩინური ენა. მოპოვებულ წარმატებას რაც შეეხება, მინდა აღვნიშნო ჩინური კონკურსი, „hanyu qiao“, რომელშიც წარმარება არაერთხელ მოგვიპოვებია. დავასახელებ თუნდაც საბა ხაზალიასა და მარიამ ანთაძეს, რომლებმაც, ასე რომ ვთქვათ, პირველებმა გაჭრეს ფანჯარა აზიაში, უამრავი ღონისძიება და წამახალისებელი კონკურსები ტარდება კონფუციის ინსტიტუტის მიერ, რომლითაც მე პირადად ძალიან მოხარული ვარ.

- რა იგი Zhejiang gongshang-ის უნივერსიტეტის შესახებ?

- Zhejiang gongshang-ის უნივერსიტეტი, ქალაქ ხანჭოუში მდებარეობს, შანხაისთან ახლოს და ის ყოველწლიურად ბევრ უცხოელ სტუდენტს მასპინძლობს. დაწვრილებით ჩინეთიდან გიამბობთ... ნათქვამია: ბევრჯერ გაგონილს ერთხელ ნანახი სჯობიაო.

- როგორია თქვენი სამომავლო გეგმები ჩინურ ენასთან მიმართებაში?

- წინასწარ გეგმებზე საუბარს ყოველთვის თავს ვარიდებ, მაგრამ მოკლედ მაინც გეტყვით, პირველ რიგში ფსიქოლოგიურად მოვამზადებ საკუთარ თავს, ადაპტირება გარემოსთან, სწავლასთან, მხოლოდ უცხოელებთან ურთიერთობა ალბათ თავიდან გამიჭირდება. ვაპირებ რომ ეს ერთი წელი ნაყოფიერად გამოვიყენო.

- რა რჩევას მისცემთ ჩინური ენის შესწავლის მსურველებს?

- ჩემი რჩევაა მეტი სიბეჯითე, არავითარი "არ შემიძლია, რთულია, ენას შევიცვლი, დავალებას გადავიწერ..." ყველაფერი შესაძლებელია, ყველას ვურჩევდი, რომ არცერთი ღონისძიება, შეჯიბრი თუ კონკურსი არ გამოტოვონ, რადგან არავინ ვიცით როდის გაგვიმართლებს ცხოვრებაში, როდის გამოგვადგება ჩინურის ცოდნა და არამართო ჩინურის. წარმატებას ვუსურვებ ყველას, მინდა რომ ეს წარმატება ყველას სამომავლო მოტივაცია იყოს.

ქართული უნივერსიტეტის საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტი ნანძინის უნივერსიტეტში



საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის ჰუმანიტარულ მეცნიერებათა და სამართლის სკოლის (ფაკულტეტის) საერთაშორისო ურთიერთობებისა და რეგიონალური პროცესების მიმართულების ორმა სტუდენტმა **თათა ქუტიძემ** და **ნინო ასანიძემ** მოიპოვა ჩინეთის სახალხო რესპუბლიკის მთავრობის სასწავლო გრანტები, რაც საშუალებას მისცემთ მათ ერთი წლის განმავლობაში უფასოდ ისწავლონ ჩინეთში Zhejiang gongshang-ის და ნანძინის უნივერსიტეტებში. ქართული უნივერსიტეტი ულოცავს მათ ამ მნიშვნელოვან წარმატებას და გთავაზობთ ინტერვიუს ერთ-ერთ გამარჯვებულთან თათა ქუტიძესთან.

- **მოგესალმებით ქალბატონო თათა, გილოცავთ მოპოვებულ წარმატებას, ნება გვიბოძეთ მოგმართოთ რამდენიმე კითხვით. ჰუმანიტარულ მეცნიერებათა და სამართლის ფაკულტეტის საერთაშორისო ურთიერთობებისა და რეგიონალური პროცესების მიმართულებაზე ისწავლება რამდენიმე უცხო ენა, მათ შორის ჩინური ენა. გთხოვთ, ორიოდ სიტყვით გვითხრათ, რა სირთულეებს წააწყდით ჩინური ენის სწავლების პროცესში და რამდენად ადვილად ეუფლებოდით მას?**

- რთული კითხვაა, მთავარია სურვილი და მიზანი, რომელსაც დაისახავ, შემდეგ ამ მიზნისთვის აკეთებ ყველაფერს და იხარჯები ბოლომდე. ჩემს შემთხვევაში იყო შრომის ორი წელი, ბევრიც მიმეცადინია და ბევრჯერაც დამზარებია, მაგრამ ეტყობა პირველმა სძლია, ყოველ შემთხვევაში თავისით არაფერი მოდის, მითუმეტეს კონკურენციის პირობებში. უნივერსიტეტში მისვლის პირველი დღიდან დღემდე ჩემი დილა იწყება ჩინეთზე ფიქრით და სრულდება მისით... ველოდი დიდხანს და აღარც მჯეროდა. გავითავისე ის, რომ ჩემთვის ყველაზე მნიშვნელოვანი ჩინური ენის სწავლაა. საოცარი მომენთია, როდესაც შრომობ და ეს გიფასდება... მოკლედ რომ ვთქვა მიზნის მიღწევა მარტივი არ ყოფილა, მითუმეტეს ასეთი რთული ენის სწავლა. ბევრი ვიშრომე და ეს ღირდა.

- **თქვენს მიერ მოპოვებული წარმატების გარდა რა წარმატება აქვთ ქართული უნივერსიტეტის სტუდენტებს ჩინური ენის სწავლების მიმართულებით?**

- დავიწყებ იმით, რომ ჩემსავით კიდევ ოთხი სტუდენტი იყო ამ პროგრამით წასული ჩინეთში, ერთ-ერთი მათგანი უკვე დაბრუნდა, შემდეგ ისევ გაემგზავრა ჩინეთში, იქ დაიწყო მუშაობა და ახლაც იქაა. ჩვენმა სტუდენტებმა ჩააბარეს ე. წ. HSK-ის გამოცდები და შესაბამისად ექვსი თვით გაემგზავრებიან ჩინეთში. გასულ წელს ორი კვირით იმყოფებოდა ჩინეთში ქართული უნივერსიტეტის ხუთი სტუდენტი, მათ იქ საინტერესო დრო გაატარეს, ორი კვირა, რა თქმა უნდა, მცირე დროა, მაგრამ მაინც დიდი სტიმულის მიმცემია სწავლისთვის. ასევე "ჩინური ენის ხიდზე" მესამე ადგილი დაიკავა ჩვენმა სტუდენტმა. ჩვენი უნივერსიტეტის სტუდენტები მუდამ ჩართულნი არიან სხვადასხვა აქტივობებში, რომელიც ხორციელდება საქართველოში ჩინეთის საელჩოსა და კონფუცის ინსტიტუტის ორგანიზებით, მაგალითად, გასულ წელს ჩინური ესეების კონკურსში მესამე ადგილი დავიკავე, იყო დაჯილდოვების საოცარი ცერემონია, გადმოგვცეს ფასიანი საჩუქრები.

- **როგორია თქვენი სამომავლო გეგმები ჩინურ ენასთან მიმართებაში?**

- ჩემს გეგმებს რაც შეეხება, დანამდვილებით ჯერ ვერ ვიტყვი, მაგრამ მინდა დავრჩე ჩინეთში იმაზე დიდხანს, ვიდრე ეს სტიპენდიით არის გათვალისწინებული. მთავარი მიზანი, რისთვისაც მივდივარ ჩინეთში, ენის სიღრმისეულად სწავლაა და ყველანაირ წარმატებას და

მომავალს ვუკავშირებ მის სრულფასოვან ცოდნას... იქ ვგეგმავ HSK-ის გამოცდის ჩაბარებას და რამდენიმე წლის მერე მაგისტრატურის დამთავრებას პეკინში. უცნაურად ჟღერს, მაგრამ ვხვდები, რომ შეუძლებელი არაფერია. „მთელ ცხოვრებას“ ჩინეთში ნამდვილად არ გავატარებ, რადგან საქართველოს გარეშე დიდხანს ცხოვრება არ შემიძლია, მაგრამ გამოცდილებისთვის, სწავლისთვის და იმისთვის რაც საჭიროა ჩემი პროფესიული თუ პიროვნული განვითარებისთვის, მინდა ეს შანსი გამოვიყენო.

- რა რჩევას მისცემთ ჩინური ენის შესწავლის მსურველებს?

- ჩინური ენის შესწავლის მსურველ სტუდენტებს ვურჩევ იყვნენ მეტად მობილიზებულნი ამ ენის შესწავლისას. ენა არის საკმაოდ სფეციფიური და რთული, შესაბამისად მეტ ყურადღებას, მეცადინეობას და დროს ითხოვს. ასევე ყველა სტუდენტს ვურჩევ საერთოდ არ მოკიდონ ხელი ამ საქმეს, თუ რეალურად არ უკავშირებენ ამ ენის ცოდნას თავიანთ მომავალს. რამდენიმე თვეში ორი წელი შესრულდება, რაც ვსწავლობ ჩინურს და ვხვდები, ზერელე მიდგომით მიზანს ვერ მიაღწევ. ჩინურის სწავლა ყველაზე დიდი აზარტი იყო, რაც 20 წლის განმავლობაში განვიცადე და ყველას ვუსურვებ ამ შეგრძნებას.

**საერთაშორისო ურთიერთობებისა და რეგიონალური პროცესების
საგანმანათლებლო პროგრამის სტუდენტის მოხსენება აკადემიურ საბჭოზე!
24 აპრილი, 2017**



24 აპრილს, ქართული უნივერსიტეტის რექტორის პროფესორ სერგო ვარდოსანიძის ინიციატივით უნივერსიტეტის აკადემიური საბჭოს სხდომაზე მოხსენებით წარსდგა საერთაშორისო ურთიერთობებისა და რეგიონალური პროცესების მიმართულების მეორე კურსის სტუდენტი ლევან თაღიაშვილი. მომხსენებელმა დეტალურად ისაუბრა აშშ-ს, ჩინეთისა და რუსეთის სამხედრო და ეკონომიკურ პოტენციალზე და მათ გავლენაზე თანამედროვე მსოფლიოში. მომხსენებლის ანალიზით ამჟამად არსებული რეალობა დღის წესრიგში აყენებს ახალი გეოპოლიტიკური წესრიგის ჩამოყალიბებას უახლოეს მომავალში.

დასასრულს გაიმართა დისკუსია და მომხსენებელმა უპასუხა კითხვებს.

ჩინეთის სამხრეთ ავიახაზის 2017 წლის პროგრამა

10 მაისი, 2017



10 მაისს, ჰუალინგის სასტუმრო „Hotels & preference“-ში ჩატარდა ღონისძიება, სადაც წარმოდგენილი იყო პრეზენტაცია ჩინეთის სამხრეთ ავიახაზის 2017 წლის პროგრამასთან დაკავშირებით, თუ რა მიმართულებით ხდება ფრენების განხორციელება. ღონისძიებაში მონაწილეობა მიიღეს, როგორც თავისუფალი უნივერსიტეტის სტუდენტებმა, ასევე ქართული უნივერსიტეტის, საერთაშორისო ურთიერთობებისა და რეგიონალური პროცესების სტუდენტებმა თამარ გიგაშვილმა და მარიამ ანთაძემ, რომლებმაც შეასრულეს სიმღერა ჩინურ ენაზე. ღონისძიების დასასრულს სტუმრებს გაუმასპინძლდნენ ჩინური და ქართული კერძებით.

საერთაშორისო ურთიერთობებისა და რეგიონალური პროცესების
საგანმანათლებლო პროგრამის მეოთხე კურსის სტუდენტების ვიზიტი
პარლამენტში!

15 მაისი, 2017





2017 წლის 15 მაისს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების პროგრამის ხელმძღვანელის პროფესორ ავთანდილ კიკნაძის ინიციატივით მიმართულების მე-4 კურსის სტუდენტებისთვის საქართველოს პარლამენტში გაიმართა შეხვედრა ევროპასთან ინტეგრაციის კომიტეტის თავმჯდომარესთან ქალბატონ თამარ ხულორდავასთან. საუბარი შეეხო იმ გამოწვევებს, რომლის წინაშეც დგას ქვეყანა. აღინიშნა, რომ ევროპასთან ურთიერთობა და ევროკავშირთან დაახლოება თანამედროვე საქართველოსთვის არის ერთადერთი, რასაც შეუძლია ეკონომიკური და პოლიტიკური ვითარების გამოსწორება. ხაზი გაესვა ასოცირების ხელშეკრულების, ვიზალიბერალიზაციისა და ღრმა და ყოვლისმომცველი თავისუფალი ვაჭრობის ხელშეკრულებების (DCFTA) გაფორმების მნიშვნელობას. ქალბატონმა თამარმა ისაუბრა იმის შესახებ, რომ ევროკავშირთან ინტეგრაციისთვის აუცილებელია საქართველო შესაბამის სტანდარტებს აკმაყოფილებდეს, რისთვისაც დრო არის საჭირო. ისეთი პრსაკითხები, როგორებიცაა გარემოს დაცვა თუ სოფლის მეურნეობის ნაწარმის სტანდარტის შესაბამის ევროპულ სტანდარტთან მიახლოება ჯერ კიდევ მოუგვარებელ პრობლემებად რჩება.

შეხვედრა წარიმართა კითხვა-პასუხის რეჟიმში. სტუდენტებმა დააყენეს ისეთი საკითხები, რომლებიც აქტუალურ თემას წარმოადგენს თანამედროვე რეალობაში. საუბარი შეეხო ნატოსა და ევროკავშირში შესვლის პერსპექტივებს. აქაც აღინიშნა, რომ მიუხედავად ჩვენი მხრიდან დიდი სურვილისა, საკითხი პრაგმატულად უნდა განვიხილოთ - ისევ და ისევ, ამ ყველაფრისთვის პირველ რიგში აუცილებელია საზოგადოებრივი და სახელმწიფოებრივი ცნობიერების ამაღლება.

შეხვედრის ბოლოს სტუდენტებისთვის მოეწყო ექსკურსია პარლამენტში. სტუდენტებმა დაათვალიერეს საქართველოს პირველი რესპუბლიკისა და სხდომათა მთავარი დარბაზი.



საერთაშორისო ურთიერთობებისა და რეგიონალური პროცესების მიმართულების სტუდენტები პრეზიდენტის სასახლეში!

16 მაისი, 2017



16 მაისს ქართული უნივერსიტეტის ჰუმანიტარულ მეცნიერებათა და სამართლის ფაკულტეტის საერთაშორისო ურთიერთობებისა და რეგიონალური პროცესების მიმართულების პირველი კურსის სტუდენტები იმყოფებოდნენ საქართველოს პრეზიდენტის ავლაზრის სასახლეში.

**საერთაშორისო ურთიერთობებისა და რეგიონალური პროცესების
მიმართულების სტუდენტების მორიგი შეხვედრა პარლამენტში
22 მაისი, 2017**



22 მაისს საქართველოს საპარტიარქოს წმიდა ანდრია პირველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების მიმართულების მე-4 კურსის სტუდენტებისთვის პროგრამის ხელმძღვანელის პროფესორ ავთანდილ კიკნაძის ხელმძღვანელობის შედგა შეხვედრა საქართველოს პარლამენტში საგარეო ურთიერთობათა კომიტეტის თავმჯდომარე სოფო ქაცარავასთან და დიასპორისა და კავკასიის საკითხთა კომიტეტის თავმჯდომარის მოადგილესთან, ირაკლი მეზურნიშვილთან. დეპუტატებმა მიმოიხილეს ის საკითხები, რომლებიც ყველაზე მეტად აქტუალურია დღევანდელი საქართველოსთვის - ეკონომიკური განვითარება და ტერიტორიული მთლიანობის აღდგენა. აღინიშნა, რომ დღეს, რთული გეოპოლიტიკური ვითარებიდან გამომდინარე, რომლის წინაშეც საქართველო დგას, აუცილებელია თანმიმდევრული და გააზრებული პოლიტიკის გატარება. ეს აისახება ევროპასა და აშშ-თან ურთიერთობაში. აშშ-ს პრეზიდენტის დონალდ ტრამპის მიერ ხელმოწერილი კანონი საქართველოს ტერიტორიულ მთლიანობასთან დაკავშირებით ძალზედ დიდ დიპლომატიურ მიღწევას წარმოადგენს. მნიშვნელოვან წარმატებად უნდა ჩაითვალოს ჩინეთთან თავისუფალი სავაჭრო

ხელშეკრულებისა და ევროპასთან ღრმა და ყოვლისმომცველი თავისუფალი სავაჭრო ხელშეკრულების გაფორმება .

შეხვედრა კითხვა-პასუხის რეჟიმში მიმდინარეობდა, სტუდენტებმა წინა პლანზე წამოწიეს რუსეთთან ურთიერთობის საკითხი. სტუდენტები შეეხნენ ევროკავშირის კავკასიისა და საქართველოს კონფლიქტების საკითხებში სპეციალური წარმომადგენლის, ჰერბერტ ზალბერის მიერ გაკეთებულ განცხადებას, რომელსაც მოჰყვა შესაფერისი რეაგირება ქართული მხრიდან.

შეხვედრაზე ასევე განიხილეს ის შესაძლებლობები, რომლებსაც დღეს სთავაზობს ჩვენი ქვეყანა ახალგაზრდებს - ყველაზე მნიშვნელოვანი აქ არის ევროპაში განათლების მიღების შესაძლებლობა, ახლა უკვე უვიზო რეჟიმის პირობებში.




შეხვედრა ლიტვის საგარეო საქმეთა მინისტრთან



13 ივნისს თბილისში ევროკავშირისა და ნატოს საინფორმაციო ცენტრში გაიმართა შეხვედრა ლიტვის საგარეო საქმეთა მინისტრთან ბატონ ლინას ლინკევიჩიუსთან, რომელსაც ესწრებოდნენ საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის საერთაშორისო ურთიერთობებისა და რეგიონალური პროცესების მიმართულების სტუდენტები ლევან თაღიაშვილი, თამარ გიგაშვილი და თათული ხუნტუა. შეხვედრაზე საუბარი შეეხო საქართველოს ნატოში გაწევრიანების პერსპექტივებს, მინისტრმა თავისი ქვეყნის გამოცდილება გაუზიარა სტუდენტებს და მათ შევითხვებსაც უპასუხა. ლექციის ბოლოს გაიმართა დისკუსია

საერთაშორისო ურთიერთობებისა და რეგიონალური პროცესების მიმართულების სტუდენტების აქტივობების პრეზენტაცია

15 ივნისს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის წმიდა ილია მართლის სახელობის საკონფერენციო დარბაზში გაიმართა საერთაშორისო ურთიერთობებისა და რეგიონალური პროცესების მიმართულების **I-II-III-IV** კურსების სტუდენტების მიერ **2016-2017** სასწავლო წლის განმავლობაში განხორციელებული აქტივობების პრეზენტაცია. პრეზენტაციები წარმოადგინეს: ელენე ციციშვილმა, ლევან თაღიაშვილმა, ანა აფაქიძემ, თათული ხუნტუამ. დასასრულს სტუდენტებმა სამომავლო გეგმებზე გააკეთეს აქცენტი



ჩვენი სტუდენტის წარმატება!

15 ივნისი, 2017



2017 წლის 15 ივნისს კონფუცის ინსტიტუტში, ამავე ინსტიტუტის ორგანიზებით, ჩატარდა პროექტ ჩინური ხიდის რიგით მერვე კონკურსი. აღნიშნულ კონკურსში მონაწილეობდა ოთხი სტუდენტი, სამი თავისუფალი და ერთი ქართული უნივერსიტეტიდან.

მაღალი კონკურენციის პირობებში საკმაოდ რთული იყო გამარჯვების მოპოვება, თუმცა ქართული უნივერსიტეტის საერთაშორისო ურთიერთობებისა და რეგიონალური პროცესების მიმართულების მესამე კურსის სტუდენტმა მარიამ სონიშვილმა შეძლო გამარჯვების მოპოვება, მან დაიკავა მესამე ადგილი, მიიღო სერთიფიკატი და სხვადასხვა ფასიანი საჩუქრები.

კონკურსი მოიცავდა სხვადასხვა ეტაპებს: მარიამმა აუდიტორიას წარუდგინა თავისუფალი თემა ჩინეთის შესახებ, უპასუხა ჟიურის მიერ დასმულ კითხვებს, საჯარო სიტყვით წარსდგა აუდიტორიის წინაშე და წარმოადგინა პერფორმანსი, რომელშიც ქართული უნივერსიტეტის სტუდენტები ნინი ასანიძე და თაკო გიგაშვილი ეხმარებოდნენ, გოგონებმა წარმოადგინეს როგორც ჩინური, ასევე ქართული ცეკვები.

ქართული უნივერსიტეტი ულოცავს მარიამ სონიშვილს გამარჯვებას და წარმატებებს უსურვებს.


საქართველოს პარლამენტში დიპლომატიური ურთიერთობების 25 წლის იუბილესადმი მიძღვნილი მიღება!

20 ივნისი 2017

საქართველოს პარლამენტში მსოფლიოს 57 ქვეყანასთან დიპლომატიური ურთიერთობების აღდგენიდან 25 წლის იუბილისადმი მიძღვნილი მიღება გაიმართა, რომელსაც პარლამენტის თავმჯდომარე ირაკლი კობახიძემ უმასპინძლა. საზეიმო მიღებაში მონაწილეობა მიიღეს ჩვენი უნივერსიტეტის საერთაშორისო ურთიერთობებისა და რეგიონალური პროცესების პროგრამის სტუდენტებმა ლევან თალიაშვილმა, ელენე ლომიძემ და სოფო სააკაშვილმა. შეხვედრაზე საუბარი შეეხო იმ საინტერესო გზას, რომელიც საქართველომ განვლო დამოუკიდებლობის აღდგენიდან დღემდე 25 წლის განმავლობაში. შეხვედრაზე მიწვეულმა ელჩებმა და სხვა სტუმრებმა გაიხსენეს, თუ როგორ მყარდებოდა დიპლომატიური ურთიერთობები საქართველოსა და სხვადასხვა სახელმწიფოებს შორის, რა იყო საქართველო 25 წლის წინ და რას მიაღწია მან ამ ხნის განმავლობაში. ხაზი გაესვა ვიზალიბერალიზაციისა და ევროპასთან ასოცირების ხელშეკრულების მნიშვნელობას. ასევე აღინიშნა, რომ მომავალში ეს ურთიერთობები კიდევ უფრო მეტად სიღრმისეული და ყოვლისმომცველი უნდა გახდეს.

ელჩების გარემოცვაში





მემორანდუმი ჩინეთის უნივერსიტეტთან

2017 წლის 23 ივნისს ქართულ უნივერსიტეტსა და ჭეძიან გუნშან უნივერსიტეტს შორის გაფორმდა პარტნიორული თანამშრომლობის მემორანდუმი, რომელსაც ხელი მოაწერეს ქართული უნივერსიტეტის რექტორმა, პროფესორმა სერგო ვარდოსანიძემ და ჭეძიან გუნშან უნივერსიტეტის პრეზიდენტმა, პროფესორმა ჩენ შოუცანმა .

ორ უნივერსიტეტს შორის თანამშრომლობა ითვალისწინებს ერთობლივი კვლევითი პროექტების განხორციელებას, სტუდენტებისა და პროფესორ-მასწავლებლების გაცვლით პროგრამებს, ერთობლივი აკადემიური კონფერენციების, სემინარების ორგანიზებას, საერთო ინტერესების სფეროში არსებული თანამშრომლობითი პროექტებისა და პროგრამების განხორციელებას და სხვა.

ჩინური ენის სწავლების სამი წელი ქართულ უნივერსიტეტში



ქართულ უნივერსიტეტში საერთაშორისო ურთიერთობებისა და რეგიონალური პროცესების პროგრამაზე 200-მდე სტუდენტი სწავლობს. აღნიშნულ პროგრამაზე ისწავლება 2 სავალდებულო უცხო ენა, მ.შ სავალდებულოა ჩინური ენის შესწავლა. დღეისათვის, ჩვენს უნივერსიტეტში ჩინურ ენას ეუფლება 100-მდე სტუდენტი, რომლებსაც ჩინურ ენას ასწავლის 4 მოხალისე ჩინელი და 4 სერთიფიცირებული ქართველი პედაგოგი. უნივერსიტეტში ჩინური ენის სწავლებისთვის გამოყოფილია ჩინური ენის და ლინგუიკის კაბინეტები.

უნივერსიტეტში ფუნქციონირებს ჩინური სტუდენტური კლუბი, მომზადდა ჩინეთისადმი მიძღვნილი ელექტრონული სასწავლო ჟურნალი „დიპლომატი“,

<https://sangu.ge/images/2014/chinetzejurnali.pdf>

უნივერსიტეტს რამოდენიმეჯერ სტუმრობდნენ ჩინეთის საგანგებო და სრულუფლებიანი ელჩი, საელჩოს კულტურის ატაშე, კონფუცის ინსტიტუტის ხელმძღვანელი საქართველოში.

https://sangu.edu.ge/index.php?page=362&news_id=964&lang=geo

https://www.facebook.com/sanguofficial/photos/?tab=album&album_id=742530775794730

https://sangu.edu.ge/index.php?page=362&news_id=1019&lang=geo

2015 წლის 10 ნოემბერს ქართულ უნივერსიტეტსა და ლანჯოუს უნივერსიტეტს შორის გაფორმდა პარტნიორული თანამშრომლობის მემორანდუმი, რომელსაც ხელი მოაწერეს

ქართული უნივერსიტეტის რექტორმა, პროფესორმა სერგო ვარდოსანიძემ და ლანჯოუს უნივერსიტეტის ვიცე-პრეზიდენტმა, პროფესორმა პან ბაოტიენმა.

https://sangu.edu.ge/index.php?page=362&news_id=1765&lang=geo

https://www.facebook.com/sanguofficial/photos/?tab=album&album_id=953333908047748

რამდენიმე თვის წინ საქართველოში, ჩინეთის სახალხო რესპუბლიკის საელჩოს მიერ ჩატარებულ კონკურსში, ჩვენი უნივერსიტეტის სტუდენტმა სოფო სირაძემ გრანტი მოიპოვა და მიიღო ერთ წლიანი სტიპენდია. 2016-2017 სასწავლო წელს, სექტემბრიდან ის სწავლას გააგრძელებს ჩინეთში ლანჯოუს უნივერსიტეტში.

https://sangu.edu.ge/index.php?page=362&news_id=1964&lang=geo

ამჟამად ჩინეთში ერთწლიანი სტიპენდიით სწავლობენ ჩვენი უნივერსიტეტის სტუდენტები მარიამ ანთაძე და საბა ხაზალია, რომლებმაც სულ ახლახანს წარმატებით ჩააბარეს ჩინური ენის საერთაშორისო გამოცდა HSK (ეჩ ეს კეი). მეოთხე დონის საკვალიფიკაციო გამოცდები და მიიღეს შესაბამისი სერთიფიკატები.

https://sangu.edu.ge/index.php?page=362&news_id=1287&lang=geo

2015 წლის 15 ოქტომბერს, ქართულ უნივერსიტეტში ტელე-ხიდი გაიმართა ჩინეთის ჯილინის უნივერსიტეტთან, სადაც ჩინეთის სახალხო რესპუბლიკის საელჩოს გრანტით სწავლობენ ქართული უნივერსიტეტის სტუდენტები.

https://sangu.edu.ge/index.php?page=362&news_id=1710&lang=geo

2014 წლის 17 ნოემბერს სტუდენტთა საერთაშორისო დღესთან დაკავშირებით საქართველოში ჩინეთის სახალხო რესპუბლიკის საელჩოში ღია კარის დღესთან დაკავშირებით, მიწვეულნი იყვნენ ის სტუდენტები, რომლებიც შეისწავლიან ჩინურ ენას. ჩვენმა სტუდენტებმა შეასრულეს ჩინური სიმღერები და წარმოადგინეს ჩინური ცეკვები და გამოხატეს თავიანთი პოზიტიური დამოკიდებულება ჩინეთის მიმართ.

https://sangu.edu.ge/index.php?page=362&news_id=1083&lang=geo

https://www.facebook.com/sanguofficial/photos/?tab=album&album_id=768372696543871

https://sangu.edu.ge/index.php?page=362&news_id=1348&lang=geo

ქართულ უნივერსიტეტს კვლავ ეწვია საქართველოში ჩინეთის სახალხო რესპუბლიკის საგანგებო და სრულუფლებიანი ელჩი, მისი აღმატებულება ბატონი იუე ბინი, რომელიც დაესწრო I კურსის სტუდენტების ღია სემინარს ჩინურ ენაში. ღია სემინარი ჩაატარა მოხალისე ჩინელმა პედაგოგმა ლიან ქუნ ქუნმა.

https://sangu.edu.ge/index.php?page=362&news_id=1148&lang=geo

https://www.facebook.com/sanguofficial/photos/?tab=album&album_id=787918544589286

მ/წელს ჩვენი უნივერსიტეტის რამდენიმე სტუდენტმა წარმატებით ჩააბარეს ჩინური ენის საერთაშორისო გამოცდა HSK (ეჩ ეს კეი).

ზედიზედ 2 წელია, რაც ჩვენი სტუდენტები წარმატებით მონაწილეობენ საერთაშორისო სტუდენტური კონკურსის "ჩინური ენის ხიდის" შესარჩევ ტურში საქართველოში. ისევე როგორც შარშან ჩვენი უნივერსიტეტის მეორე კურსის სტუდენტმა ქეთი ყარანაშვილმა მეორე

ადგილი დაიკავა, მესამე საპრიზო ადგილი დაიკავა ნინი ასანიძემ, რაც პირველი კურსის სტუდენტისთვის საკმაოდ მაღალი შედეგია.

პარალელურად ჩატარებულ ესეების სტუდენტურ კონკურსში სტუდენტებმა წარმოადგინეს ესეები ჩინეთის შესახებ. აღნიშნულ კონკურსში მონაწილეობდნენ ქართული უნივერსიტეტის სტუდენტები. თათა ქუტიძემ მესამე საპრიზო ადგილი დაიკავა, შესაბამისი ხარისხის სერთიფიკატი მოიპოვა. მარიამ ჟამუტაშვილმა და ნინი ასანიძემ წამახალისებელი პრიზები და სერთიფიკატები მოიპოვეს.

https://sangu.edu.ge/index.php?page=362&news_id=1486&lang=geo

https://www.facebook.com/sanguofficial/photos/?tab=album&album_id=874330895948050

https://sangu.edu.ge/index.php?page=362&news_id=2112&lang=geo

2015 წლის 16 ნოემბერს, ქართული უნივერსიტეტში აღმოსავლეთმცოდნე, ქართული უნივერსიტეტის მოწვეულმა პროფესორმა არჩილ კალანდიამ წაიკითხა საჯარო ლექცია თანამედროვე ჩინეთის შესახებ და მოაწყო თავისი მონოგრაფიის „ჩინეთის ტრანსფორმაცია 21-ე საუკუნეში“ პრეზენტაცია.

https://sangu.edu.ge/index.php?page=362&news_id=1774&lang=geo

2015 წლის 11 დეკემბერს, ქართულ უნივერსიტეტში გაიმართა შეხვედრა საქართველოში უმსხვილესი ჩინური კომპანიის „ჰუალინგ ჯგუფის“ გენერალურ დირექტორთან, ბატონ ვანგ შენგსინთან. სტუმარმა საინტერესოდ მიიჩნია ის პროექტები, რომლებიც ქართულ უნივერსიტეტში ხორციელდება ჩინური ენისა და კულტურის პოპულარიზაციისთვის და სრული მზადყოფნა გამოთქვა მხარდაჭერისა და პარტნიორული ურთიერთობების განვითარებისთვის. ასევე სტუდენტებს დაპირდა, რომ მომავალ სემესტრში საჯარო ლექციას ჩაუტარებს ჩინეთის ეკონომიკის შესახებ და „ჰუალინგ ჯგუფის“ კომპანიაში პრაქტიკის გავლაშიც დაეხმარება მათ.

https://sangu.edu.ge/index.php?page=362&news_id=1828&lang=geo

2016 წლის 9 ივნისს საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის რექტორმა პროფესორმა სერგო ვარდოსანიძემ მიიღო კონფუციის ინსტიტუტის საქართველოს განყოფილების ხელმძღვანელი ბატონი ჩი რუმანი. შეხვედრაზე ისაუბრეს ქართულ უნივერსიტეტში საერთაშორისო ურთიერთობათა სპეციალობაზე, ჩინური ენის შესწავლის პერსპექტივებზე და ჩინეთის სახალხო რესპუბლიკაში ჩინური ენის შესასწავლად გასაგზავნ სტუდენტებზე. დაიგეგმა მრავალი საინტერესო ღონისძიება.

https://sangu.edu.ge/index.php?page=362&news_id=2106&lang=geo

უახლოეს მომავალში ქართულ უნივერსიტეტს განზრახული აქვს დააფუძნოს კონფუციის კლასი და შემდეგ ინსტიტუტი, რომლის საქმიანობაში აქტიურ მონაწილეობას მიიღებენ პროფესორ-მასწავლებლები და სტუდენტები, რომლებიც დიდ დაინტერესებას იჩენენ ჩინური ენისა და კულტურის შესწავლისადმი.

2016 წლის 23 ივნისს საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტს ეწვივნენ ჩინეთის სახალხო რესპუბლიკის უმაღლესი საგანმანათლებლო სკოლის დელეგაცია: აზიის მხარის დირექტორი, ქალბატონი შაო სიუზო, კონფუციის ინსტიტუტის სათაო ოფისის დირექტორის მოადგილე, ბატონი სია ძიენჰუი,

www.sangu.edu.ge

კონფუციის ინსტიტუტის აღმასრულებელი ხელმძღვანელი, ქალბატონი ლი ჩანი, ლანჯოუს უნივერსიტეტის ვიცე-პრეზიდენტი, ბატონი ფან ბაოტიენი, ლანჯოუს უნივერსიტეტის საერთაშორისო სკოლის დირექტორის მოადგილე, ქალბატონი თაო ჰონგი, კონფუციის ინსტიტუტის საქართველოს განყოფილების ხელმძღვანელი ბატონი ჩი რუმანი.

სტუმრებმა დაათვალიერეს ჩინური ენისკულტურის შემსწავლელი კაბინეტი, დაესწრნენ უნივერსიტეტის საერთაშორისო ურთიერთობის და რეგიონმცოდნეობის სპეციალობის სტუდენტთა მიერ მომზადებულ კონცერტს და გაესაუბრნენ იმ სტუდენტებს, რომლებიც ჩინურ ენას ეუფლებიან ქართულ უნივერსიტეტში. დაიგეგმა მომავალი თანამშრომლობის ღონისძიებები.

https://sangu.edu.ge/index.php?page=362&news_id=2138&lang=geo

https://www.facebook.com/sanguofficial/photos/?tab=album&album_id=1078731305508007

ზაფხულის არდადეგების პერიოდში 16-30 აგვისტოს ქართული უნივერსიტეტის სამი სტუდენტი იმყოფებოდა ჩინეთში საერთაშორისო ახალგაზრდულ ბანაკში ქალაქ ლანჯოუში და ჩინეთის ისტორიულ დედაქალაქში სიანში.

წელს ჩვენმა სტუდენტებმა ჩააბარეს ე. წ. HSK-ის საერთაშორისო გამოცდები ჩინურ ენაში და შესაბამისად ექვსი თვით გაემგზავრებიან ჩინეთში ჩვენი უნივერსიტეტის პარტნიორ-ლანჯოუს უნივერსიტეტში.

სექტემბრიდან საერთაშორისო ურთიერთობებისა და რეგიონალური პროცესების საგანმანათლებლო პროგრამის 2 სტუდენტი ნინი ასანიძე და თათა ქუტიძე ერთი წლით მიემგზავრებიან ჩინეთში **Zhejiang gongshang-ის** და ნანძინის უნივერსიტეტებში ჩინეთის მთავრობის სტიპენდიებით. საერთაშორისო ურთიერთობებისა და რეგიონალური პროცესების მიმართულების მესამე კურსის სტუდენტებმა ქეთევან ყარანაშვილმა და მარიამ სალუქვაძემ მოიპოვეს კონფუციის ინსტიტუტის სტიპენდიები. მათ სრულად დაუფინანსდებათ ლანჯოუს უნივერსიტეტში ჩინური ენის შემსწავლელ 6 თვიან პროგრამაზე სწავლის საფასური.

სულ ახლახან, 2017 წლის 23 ივნისს ქართულ უნივერსიტეტსა და ჭეძიან გუნზან უნივერსიტეტს შორის გაფორმდა პარტნიორული თანამშრომლობის მემორანდუმი, რომელსაც ხელი მოაწერეს ქართული უნივერსიტეტის რექტორმა, პროფესორმა სერგო ვარდოსანიძემ და ჭეძიან გუნზან უნივერსიტეტის პრეზიდენტმა, პროფესორმა ჩენ შოუცანმა.

ორ უნივერსიტეტს შორის თანამშრომლობა ითვალისწინებს ერთობლივი კვლევითი პროექტების განხორციელებას, სტუდენტებისა და პროფესორ-მასწავლებლების გაცვლით პროგრამებს, ერთობლივი აკადემიური კონფერენციების, სემინარების ორგანიზებას, საერთო ინტერესების სფეროში არსებული თანამშრომლობითი პროექტებისა და პროგრამების განხორციელებას და სხვა.

საერთაშორისო ურთიერთობებისა და რეგიონალური პროცესების
საგანმანათლებლო პროგრამის ხელმძღვანელი,
პროფესორი ავთანდილ კიკნაძე

ჩვენი გუნდი

თამარ პატაშური-ქართული უნივერსიტეტის, ჩინური ენის პედაგოგი.

მოგესალმებათ ჩინეთი Hello China 你好中国



საერთაშორისო ურთიერთობებისა და რეგიონალური პროცესების მიმართულების საგანმანათლებლო პროგრამის ჩინური ენის პედაგოგმა თამარ პატაშურმა ჩინელ ემილი ლისთან ერთად ტელევიზია ახალი საქართველოს ეთერში რამოდენიმე გადაცემა მიუძღვნა ჩინური ენის და კულტურის შესწავლის საკითხებს. აღსანიშნავია, რომ ეს კურსები საკმაოდ პოპულარული გახდა ჩინური ენით დაინტერესებულ ახალგაზრდებში. ქ-ნი თამარი ჩვენი უნივერსიტეტის დოქტორანტია და წარმატებით უთავსებს ერთმანეთს სამეცნიერო და პედაგოგიურ საქმიანობას. დაამთავრა თბილისის სახელმწიფო უნივერსიტეტი, ინგლისური ენის სპეციალობით, აქვე დაამთავრა მაგისტრატურა თარგმანმცოდნეობის სპეციალობით. ასევე დაამთავრა პეკინის ენისა და კულტურის და ლანჯოუს უნივერსიტეტები.

ჩინური ენის სერთიფიკატი (HSK), VI დონე.
ფლობს ქართულ, ინგლისურ, რუსულ, ჩინურ ენებს

გადაცემების ლინკები:

1. <https://www.youtube.com/watch?v=BwK1WPjVf7I&t=412s>
2. <https://www.youtube.com/watch?v=1Rzk5zwjuyQ&t=26s>
3. <https://www.youtube.com/watch?v=U3uruZg0-xo&t=362s>
4. <https://www.youtube.com/watch?v=ZDN-aOdBJo8>
5. <https://www.youtube.com/watch?v=U3uruZg0-xo&list=PLc9rRUdaXJuj3LGIjq6mK80ESSzkbN64L>

თამარ მუჯირი-ქართული უნივერსიტეტის, ჩინური ენის პედაგოგი.



დაამთავრა თბილისის თავისუფალი უნივერსიტეტი, აზიისა და აფრიკის ინსტიტუტი
სოციალურ მეცნიერებათა ბაკალავრის ხარისხი საერთაშორისო ურთიერთობების
სპეციალობით

უხანის უნივერსიტეტი, ჩინეთის სახალხო რესპუბლიკა საერთაშორისო სამართლის
მაგისტრის ხარისხი.

მუშაობდა თბილისის თავისუფალი უნივერსიტეტში, (აზიისა და აფრიკის ინსტიტუტი)
ჩინური ენის ლექტორად.

ამჟამად მუშაობს საქართველოში ჩინეთის სახალხო რესპუბლიკის საელჩოში.

საელჩოს მდივანი-რეფერენტი, ელჩის თანაშემწე ,თარჯიმანი.

ჩინური ენის სერთიფიკატი (HSK), VIII დონე.

ფლობს ქართულ, ინგლისურ, რუსულ, ჩინურ ენებს.

ნინო ტეტუნაშვილი-ქართული უნივერსიტეტის,ჩინური ენის პედაგოგი.



დაამთავრა თბილისის აზიისა და აფრიკის ინსტიტუტი, (თავისუფალი

უნივერსიტეტი) საერთაშორისო ეკონომიკური ურთიერთობების სპეციალობით/ჩინური ენა (ბაკალავრი)

ცენტრალური ჩინეთის პედაგოგიური უნივერსიტეტი,ჩინური ენა, (მაგისტრატურა)

ცენტრალური ჩინეთის პედაგოგიური უნივერსიტეტი, საერთაშორისო ურთიერთობები, (დოქტორანტურა) დაიცვა სამეცნიერო ხარისხი.

ჩინური ენის სერთიფიკატი (HSK), VI დონე.

ფლობს ქართულ,ინგლისურ,ჩინურ,რუსულ,გერმანულ ენებს.

უდიდესი წვლილი მიუძღვის ხანჭოუს ჭეძიან გუნშან უნივერსიტეტთან კონტაქტის დამყარებასა და ურთიერთთანამშრომლობის მემორანდუმის მომზადებაში.

ნატალია მაისურაძე-ქართული უნივერსიტეტის ჩინური ენის პედაგოგი.



მუშაობდა პეკინის უნივერსიტეტში, ქართული ენის პედაგოგად.

თბილისის თავისუფალ უნივერსიტეტში ჩინური ენის პედაგოგად

საქართველოში ჩინეთის საელჩოს სავაჭრო ეკონომიკურ პალატაში

დამთავრა ჩინეთის, თიენძინის პედაგოგიური უნივერსიტეტის მაგისტრატურა
ადმინისტრაციის მენეჯმენტის სპეციალობით

თბილისის აზიისა და აფრიკის ინსტიტუტი ჩინური ენისა და ჟურნალისტიკის
სპეციალობით.


ჩინური ენის სერთიფიკატი (HSK), IX დონე.

ფლობს ქართულ, რუსულ, ინგლისურ, ჩინურ ენებს.


ჩვენი ჩინელი პედაგოგები.

სამი წელია ჩვენს უნივერსიტეტში ჩინეთის მთავრობის პროგრამით წარმატებით მუშაობენ
მოხალისე ჩინელი პედაგოგები, რომლებიც სტუდენტებს ეხმარებიან ჩინური ენის
სრულყოფაში, საერთაშორისო გამოცდებისთვის, სხვადასხვა კონკურსებისთვის
მომზადებაში.

2016-2017 სასწავლო წელს მოხალისეებად მუშაობდნენ ვან ჰუი - 1-ლი კურსი; ლიუ ქსიან ი-მე-2 კურსი; ლიან კონგკონი - მე-3 კურსი; ჟიაო ჯინგრუი - მე-4 კურსი (Wang Hui-Grade One;Liu Xiang-Grade Two;Liang Kongkong-Grade Three;Zhao Jingrui-Grade Four.)



საერთაშორისო ურთიერთობებისა და რეგიონალური პროცესების მიმართულების სტუდენტების კონფუცის ინსტიტუტის სტიპენდიები ლანჯოუს უნივერსიტეტში.



საერთაშორისო ურთიერთობებისა და რეგიონალური პროცესების მიმართულების მესამე კურსის სტუდენტებმა ქეთევან ყარანაშვილმა და მარიამ სალუქვაძემ მოიპოვეს კონფუცის ინსტიტუტის სტიპენდიები. მათ სრულად დაუფინანსდებათ ლანჯოუს უნივერსიტეტში ჩინური ენის შემსწავლელ 6 თვიან პროგრამაზე სწავლის საფასური. ქართული უნივერსიტეტი წარმატებას უსურვებს ქეთევანსა და მარიამს.



სინოლოგთა ტრადიციული შეკრება

საქართველოში ჩინეთის საელჩოს ორგანიზებით ჰუალინგის სასტუმრო „Hotels & preference“-ში ჩატარდა ყოველწლიური სინოლოგთა შეკრება „გაზაფხულის ფესტივალი“. ოფიციალურ მიღებას საპატიო სტუმრებთან ერთად იმ უმაღლესი სასწავლებლების და ზოგადსაგანმანათლებლო სკოლების წარმომადგენლები ესწრებოდნენ, სადაც ისწავლება ჩინური ენა. შეხვედრას ასევე ესწრებოდა საქართველოს საგარეო საქმეთა მინისტრი, ბატონი მიხეილ ჯანელიძე და დი იენჩინი.



შეხვედრა საქართველოში ჩინეთის სახალხო რესპუბლიკის საგანგებო და სრულუფლებიან ელჩთან, მისი აღმატებულება დი იენჩინთან.

იაპონია-საქართველოს შორის დიპლომატიური ურთიერთობების 25 წლის იუბილესადმი მიძღვნილი მიღება!

7 ივლისი, 2017

სასტუმრო ბილტმორ თბილისში გაიმართა იაპონია-საქართველოს შორის დიპლომატიური ურთიერთობების დამყარების 25 წლისთავის აღსანიშნავი მიღება საქართველოში იაპონიის საგანგებო და სრულუფლებიანი ელჩის, მისი აღმატებულება, ბატონი ტომიო კაიტანის და მისი მეუღლის ქალბატონი ჰარუე კაიტანის სახელით.

შეხვედრას ესწრებოდნენ საქართველოს საგარეო საქმეთა მინისტრი, ბატონი მიხეილ ჯანელიძე, პარლამენტარები, დიპლომატიური კორპუსის წარმომადგენლები, თბილისის მერი, საკრებულოს თავმჯდომარე, იმ უმაღლესი სასწავლებლების წარმომადგენლები, სადაც ისწავლება იაპონური ენა. ასეთივე პატივი ერგო ქართულ უნივერსიტეტსაც. აღსანიშნავია, რომ აღნიშნული მიღება ასევე, გამოსათხოვარი საღამო იყო საქართველოში იაპონიის საგანგებო და სრულუფლებიანი ელჩის, მისი აღმატებულება, ბატონი ტომიო კაიტანის სათვის, რომელმაც საქართველოში დაასრულა თავისი ხანგრძლივი დიპლომატიური კარიერა და უკანასკნელ 4 წელიწადში დიდი წვლილი შეიტანა ქართულ-იაპონურ ურთიერთობებში.





**საერთაშორისო ურთიერთობებისა და რეგიონალური პროცესების მიმართულების
სტუდენტები გერმანიაში პრაქტიკაზე!**

საერთაშორისო ურთიერთობებისა და რეგიონალური პროცესების მიმართულების მესამე კურსის სტუდენტები ნატა ასათიანი და სალომე მესხიშვილი მონაწილეობას მიიღებენ ეკონომიკისა და ბიზნესის ფაკულტეტის მიერ ორგანიზებულ პროგრამაში, რომლის შედეგადაც 17 ივლისიდან 15 ოქტომბრამდე გაივლიან სამთვლიან პრაქტიკის კურსს გერმანიაში. მადლობას ვუხდით ეკონომიკისა და ბიზნესის ფაკულტეტს ჩვენი გერმანულენოვანი სტუდენტების მხარდაჭერისათვის.




საერთაშორისო ურთიერთობებისა და რეგიონალური პროცესების მიმართულებას პირველი კურსდამთავრებულები ჰყავს.

3 ივლისს, საქართველოს საპატრიარქოს წმიდა ანდრია პირველწოდებულის სახელობის ქართულ უნივერსიტეტში გაიმართა საერთაშორისო ურთიერთობებისა და რეგიონალური პროცესების მიმართულების სტუდენტების საბაკალავრო ნაშრომების დაცვა. აღსანიშნავია, რომ მიმდინარე სასწავლო წელს ქართულ უნივერსიტეტს საერთაშორისო ურთიერთობებისა და რეგიონალური პროცესების მიმართულების პირველი კურსდამთავრებულები ჰყავს. აღსანიშნავია, რომ 14 სტუდენტმა უმაღლესი შეფასება დაიმსახურა, 16-მა კი „ძალიან კარგი“. ქართული უნივერსიტეტი წარმატებას ულოცავს კურსდამთავრებულებს და მომავალ გამარჯვებებს უსურვებს. აღსანიშნავია, რომ კურსდამთავრებულების ძალიან მეტიტ გამოსაცემად მზადდება საბაკალავრო ნაშრომების კრებული.





ჩვენი პირველი კურსდამთავრებულები



ელენე ლომიძე



ანა არეშიძე



ქეთევან კუბიანიძე




ირაკლი დარბუაშვილი



სალომე ზებედაშვილი



ნინო ანდიაშვილი



თათული ხუნტია



ნინო ბაბუციძე




ნინო გოგოლაური



ნათია გნოლიძე




ქეთევან დოიჯაშვილი



იოსებ თორთლაძე



ნიკა ბედლოვი



მარიამ ტაბატაძე




ნინო ბეგლაძე



ხატია მელიქიძე



გიორგი პაპუაშვილი



ანა ჯაშვილი



მარიამ ჯაშვილი



სალომე მსხალაძე




ალექსანდრე ჯორჯიკია



სალომე ცსიავა



მაკა ფურცხვანიძე



ჯიმშერ ტაბატაძე



ქეთევან ქეშელაშვილი



ირინე ბერუაშვილი



თამაზ მარტიაშვილი



ნინო წიწიკაშვილი



თამარ გაბრიელაშვილი



გიორგი სამნიაშვილი

ჩვენი პროფესორები



სერგო ვარდოსანიძე



მინდია უგრეხელიძე



რამაზ ლომინაძე



თამარ კიკნაძე



ავთანდილ კიკნაძე



ნესტან კირთაძე



ვაჟა ლორთქიფანიძე



თეა გოგოტიშვილი



ზვიად ტყაბლაძე



არჩილ კალანდია



ირაკლი მეზურნიშვილი



ქეთევან მდინარაძე



დაზმირ ჯოჯუა



დურმიშან ლაში



გურამ ჯოღია



ვეფხვია გვარამია

ჩვენი წარჩინებულები

ნინო ანდიაშვილი

ალექსანდრე ჯორჯიკია

ანა კალანდია

ანა აფაქიძე

ჩვენი პარტნიორი უნივერსიტეტები

ჭეძიან გუნშან უნივერსიტეტი (ჩინეთი)

ლანჯოუს უნივერსიტეტი (ჩინეთი)

სამეცნიერო-კვლევების ძირითადი მიმართულებები

საერთაშორისო ურთიერთობების რეგიონალური პრობლემები

საერთაშორისო ბიზნესის აქტუალური პრობლემები

საერთაშორისო ურთიერთობების სამართლებრივი განზომილება

საქართველო საერთაშორისო ურთიერთობების სისტემაში

თანამედროვე დიპლომატია: თეორია და პრაქტიკა

საერთაშორისო ეკონომიკური ურთიერთობები

გლობალიზაცია და საერთაშორისო ეკონომიკური ორგანიზაციები

კულტურა და პოლიტიკა

ერთიანი ევროპა და ეროვნული ინტერესები

ევროპის ქვეყნების პოლიტიკური სისტემები

აღმოსავლეთ აზიის პოლიტიკური და ეკონომიკური პრობლემები

რეგიონული ინტეგრაციის თავისებურებები აზია-წყნარი ოკეანის რეგიონში

საერთაშორისო და რეგიონული უსაფრთხოების პრობლემები

რეგიონული ლიდერობის პრობლემები ლათინურ ამერიკაში

საქართველოს ურთიერთანამშრომლობის პერსპექტივები აზიის

წამყვან ქვეყნებთან (ჩინეთი, ინდოეთი, იაპონია, სამხრეთ კორეა და სხვა).

რუსეთის და უკრაინის ურთიერთობების პრობლემები და პერსპექტივები

საქართველო-რუსეთის ურთიერთობები

საქართველო და ევროინტეგრაცია

საქართველო გლობალიზაციის პროცესში: შეხების სფეროები და მოქმედების მეთოდები

ნატო და ევროკავშირი

საერთაშორისო კინფლიქტები და მათი დარეგულირების გზები

უსაფრთხოების პრობლემები კავკასიაში

საერთაშორისო ტერორიზმის პრობლემები

განვითარებული ქვეყნების პოლიტიკა და ეკონომიკა

აფხაზეთის და ცხინვალის რეგიონის მოვლენების გაკვეთილები

დიპლომატია-როგორც ტოლერანტობის ისტორიული ინსტიტუტი

საერთაშორისო ურთიერთობების ჰუმანიტარული ასპექტები და რელიგიის ფაქტორი

დიპლომატია ევროპული ინტეგრაციის პირობებში

საჯარო დიპლომატია

საიდუმლო დიპლომატია

დიპლომატია და საინფორმაციო ომები

საერთაშორისო ურთიერთობების რელიგიური ასპექტები

საქართველო და აშშ. თანამშრომლობის პერსპექტივები

აშშ-ის საგარეო პოლიტიკა

აშშ-ი და ევროპა: თანამშრომლობის პრობლემები და პერსპექტივები

პოლიტიკა და გენდერული პრობლემები

ეთნიკური სახელმწიფოს მომავალი

გლობალური უთანასწორობის პრობლემები

ჩინეთის სახალხო რესპუბლიკის პოლიტიკა და ეკონომიკა

საქართველო აშშ-ის და რუსეთის სტრატეგიული ინტერესების სფეროში

საერთაშორისო ურთიერთობების დემოგრაფიული ფაქტორები

რელიგიისა და პოლიტიკის ურთიერთდამოკიდებულება აღმოსავლეთის ქვეყნებში

ქართულ -აფხაზური ურთიერთობების პრობლემები და კონფლიქტის დარეგულირების პერსპექტივები

მომავალი გეგმები

2017-2018 წლის ღონისძიებები

1. საჯარო ლექციების ორგანიზება საერთაშორისო ურთიერთობების, დიპლომატიის და მსოფლიო პოლიტიკის აქტუალურ თემებზე. მოწვეული სტუმრების მონაწილეობით.

2. ყოველკვირეული დებატები პროფესორ-მასწავლებლების და სტუდენტების მონაწილეობით აქტუალურ თემებზე.

3.მრგვალი მაგიდა - `დიპლომატია, როგორც ტოლერანტობის ისტორიული ინსტიტუტი`.

4.მრგვალი მაგიდა - `პოლიტიკური ელიტა და ზნეობა`

5.დისკუსია `ტელევიზორული გადაცემების და ხელისუფლების ურთიერთდამოკიდებულება`

6.საქართველოში აკრედიტირებულ დიპლომატიურ წარმომადგენლობების ხელმძღვანელთა შესაბამისი სამსახურების დიპლომატიების მონაწილეობით საჯარო ლექციების ჩატარება, მათი ქვეყნების დიპლომატიური სამსახურების ამოცანებისა და საგარეო პოლიტიკის პრიორიტეტების, საქართველოსთან ორმხრივი ურთიერთობების შესახებ.

7.მუდმივმოქმედი ახალგაზრდული ფორუმის „თავისუფალი აუდიტორიის“ ორგანიზება საერთაშორისო ურთიერთობების, დიპლომატიის და მსოფლიო პოლიტიკის პრობლემატურ საკითხებზე.

8.პარტნიორ უნივერსიტეტებთან ტელეხიდის მომზადება და გამართვა საერთაშორისო ურთიერთობების და პოლიტიკის შესაბამისი სპეციალობების სტუდენტებთან საერთაშორისო პოლიტიკის აქტუალურ პრობლემებზე.

9.მრგვალი მაგიდა: `პოლიტიკა და მორალი`,

მეორე სასაუკეთესო პროფესორ-მასწავლებლებო, სტუდენტებო!

გილოცავთ 2016-2017 სასწავლო წლის წარმატებით დამთავრებას! გასული სასწავლო წელი საუკეთესო იყო ქართული უნივერსიტეტის საერთაშორისო ურთიერთობებისა და რეგიონალური პროცესების მიმართულების ხანმოკლე ისტორიაში. წელს ჩვენ პირველი კურსდამთავრებულები გვყავს. აღსანიშნავია, რომ საბაკალავრო ნაშრომების შეფასებისას 14 სტუდენტმა უმაღლესი შეფასება დაიმსახურა, 16-მა კი „ძალიან კარგი“. ქართული უნივერსიტეტი წარმატებას ულოცავს კურსდამთავრებულებს და მომავალ გამარჯვებებს უსურვებს.

უღრმესი მადლობა მინდა მოვახსენო თითოეულ პროფესორს, სტუდენტს, ყველა თანამშრომელს, რომლებმაც ძალა და ენერგია არ დაიშურეს ამ წარმატებების მიღწევისათვის.

მინდა გისურვოთ ჯანმრთელობა, მხნეობა, სიკეთე და ბედნიერება. ღმერთი იყოს ჩვენი უნივერსიტეტის და სრულიად საქართველოს მფარველი.

ღრმა პატივისცემით და კეთილი სურვილებით,

საერთაშორისო ურთიერთობებისა და რეგიონალური
პროცესების საგანმანათლებლო პროგრამის
ხელმძღვანელი, პროფესორი ავთანდილ კიკნაძე

საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტები საპატრიარქოს ტელევიზიის „ერთსულოვნების“ ეთერში

10 ივლისი, 2017


საერთაშორისო ურთიერთობებისა და რეგიონალური პროცესების საგანმანათლებლო პროგრამის სტუდენტები წინი ასანიძე და თათა ქუტიძე საპატრიარქოს ტელევიზიის „ერთსულოვნების“ ეთერში მიიწვიეს. საუბარი შეეხო მათ მომავალ სწავლას ჩინეთის სახალხო რესპუბლიკის პრესტიჟულ უნივერსიტეტებში, სადაც ისინი ერთი წლით 1 სექტემბრიდან მიემგზავრებიან ჩინეთის მთავრობის სტიპენდიით. სტუდენტებმა წამყვანების მრავალ შეკითხვას უპასუხეს და წინი ასანიძემ ჩინური ენის ცოდნითაც გამოიჩინა თავი. წარმატებებს ვუსურვებთ წინის და თათას მომავალ საქმიანობაში.



2017 წლის კურსდამთავრებულთა საზეიმო გაცილება

15 ივლისი, 2017

2017 წლის 15 ივლისს, ქართული უნივერსიტეტის ეზოში მოეწყო 2017 წლის კურსდამთავრებულთა საზეიმო გაცილება. უნივერსიტეტის რექტორმა, პროფესორმა სერგო ვარდოსანიძემ და პროფესორ-მასწავლებლებმა წლევეანდელი კურსდამთავრებულები საზეიმო ვითარებაში გააცილეს. რექტორმა ახალგაზრდებს წარჩინებული სწავლისათვის მადლობა გადაუხადა და ცხოვრების ახალ ეტაპზე წარმატებები უსურვა. კურსდამთავრებულთა გამოსაშვები საღამო მერაბ ბერძენიშვილის სახელობის კულტურის ცენტრ “მუზაში” გვიან ღამემდე გაგრძელდა.







იდუის და პროექტის ავტორი: პროფესორი ავთანდილ კიკნაძე

დიზაინი: ლევან ხელაშვილი

15- ივლისი, 2017

ი.ჭავჭავაძის პრ. გამზირი №53/ა

www.sangu.edu.ge